

續脩商志

信集

卷之十  
藝文志下

序賦  
詩

傳對

銘

歌

地 178.169  
132  
:2

續脩尚志卷之十下

序文

送封君王公之臣榮歸序

明任彥常

戶部主事

王公之臣爲金臺人蚤以明經領鄉薦中乙榜歷教諸  
邸衛縣終國子助教公爲人篤實謹慎不苟言笑動以  
古道自處生三子曰瑄由太學生領教磁州曰珩以羅  
倫榜進士拜南京戶部郎曰璚以彭教榜進士克翰林  
庶吉士拜主事先卒公壽躋七十謝政家居耳聰目明  
鬚髮如漆黑飲食起居不減少壯時蓋由所養之素而

續脩尚志

卷一

然也公嘗慕南畿山水名勝恒欲一遊而郎中君今年  
適以考成之便迎養南來際朝廷推恩以子貴封南京  
戶部員外郎階奉直大夫蓋亦榮矣郎中君命家僮日  
具肩輿几杖琴樽壺矢任公所之適自辰而出日脯而  
歸登鳳臺望長江尋龍蟠席路之遺跡訪朱雀烏衣之  
舊址覽今弔古載咏載歌不覺心凝神適而懷抱廓如  
也旣而浩然有歸志一時縉紳士夫咸景公之賢慕公  
之榮而又惜公之去各爲詩以贈長篇短幅陸離先後  
裝演成軸委予言以弁諸首夫人生天壤紛紛擾擾夜



以繼日不能遂所欲者十常八九或少而壯未老而先  
衰或始而榮未終而罹辱或能善於一身而不能使其  
子孫之皆善如此者蓋亦多矣今公壽躋七十神力具  
全歷官餘四十年未嘗少罹譴咎而又篤生三子鳳翔  
麟挺接武霄漢使公得膺平褒封之榮若公者可謂備  
諸福之全極天下之樂俯仰自足無少憾焉者矣今公  
之歸也烏紗繡衣照耀閭里天章宸翰白屋生輝使鄉  
之老者見之必踴躍歆慕思以善教其子鄉之少者見  
之必感激奮發思以顯榮其親若然則公不徒善于一

續脩南志

卷十下

二

身一家又使一鄉之人皆化于善矣若夫江南渭北之  
情田園桑梓之樂皆已寓乎諸君子所贈之什予復何  
言哉於是執爵稽首歌南山有臺之詩三章一以頌公  
之德一以祝公之壽而致乎丁寧之意云

贈監察御史閻君受 勅序

明長沙李東陽 少卿

西安閻君文輔為行人數年簡推為雲南道監察御史  
奉職守法人稱為賢三載考最勅進階文林郎封其父  
英為御史母張氏為孺人又贈封其配宋及繼室王皆

爲孺人允諸御史膺錫者其寮案必合辭致賀其家以爲故事勳君益之寔倡茲舉屬予以辭辭未成而文輔出巡于外不果旣還官益之亦被擢以出薛君志淵董復以速予予以文輔同舉進士文輔又娶于吾友王戶部器之之女弟雅聞其賢旣被顯擢復膺休命固諸大夫士之所同美尤予之所私喜也制廷臣惟七品而上得世封行人雖京秩而不及七品得勅者止及其身文輔始在行人翼奉使命歷數年跋涉萬餘里有勞與譽無愧于今日之在御史者必爲御史而後得封其世則

拘于制非才之異也封錫之典在國家爲甚重得之誠難世承乎久賢才衆進類能舉官職鮮有弗得恒情視之或不以爲難然又有拘于制如前所云者於是見得之者之果不易也且君子之任事也固不待賞而後加其感恩也亦不以難而始重則前之弗得與今日之得豈其所自計者哉雖然人子之愛親也甚于其身有其榮而不及乎親其志固有所弗安者于是益歎夫君恩之重而得之者之難也今之制五品上者以誥封三品而上者封再世一品者三世以文輔之才繼是以往益

動弗懈則其尊官顯錫當有進于此者文輔雖不自討然亦烏可逃哉請以是爲文輔賀

送河南大叅南君彥聲之任序

明王華 侍郎

弘治甲子冬十二月禮部郎中商山南君彥聲陞河南布政司右叅政翌日卽陛辭以行又明年 聖天子嗣登大寶改元正德彥聲以職事董輸國賦給邊餉朝京師越三月將復歸治所其舊僚鶚輩以彥聲昔者行甚亟未及贈之以言乃偕來請予爲言以贈蓋雖失之既

往而爲補于將來也昔予官翰林彥聲爲吏部考功司主事考功顯曹書生而驟登要津鮮不躍躍然以喜彥聲曾不色喜虚心下士薰然其和別白流品淑慝人咸服其公恕予心甚竒之固知一考功未足爲君喜也及予官禮部彥聲亦以祖母喪去考功改禮部遷主客司郎中主客冗曹奪要津而納諸冗地鮮不鬱鬱然以愠彥聲惟知勤慎以事事畧無幾微見于顏面凡四夷之朝貢朝廷之賞賚必稽章程別差等威懷兼備遠人罔不帖帖然畏服予心益竒之又知一郎秩未足展君才也

既而彥聲由郎中晉河南叅政河南中州大藩叅政方  
岳大臣有承流宣化之寄有藩垣屏翰之任有宗室戚  
里之錯置有世臣大家之盤據有錢穀之輸徵訟獄之  
聽斷簿書文牒之醇酢難乎其職之舉也彥聲獨能公  
以立威恕以孚惠勤慎以涖事謙厚以獲上政務雖糾  
紛揉雜如操利刃以臨盤錯恢恢乎有餘地故其旬宣  
所至播宜民之譽予於是益器重之又知一方面之任  
未足限其至也夫以彥聲之器識才美如此而又能加  
之以縝密存之以愷悌持之以忠貞叅劉柔而并用日  
續脩商志

始終而弗渝則其樹豐功而都顯秩譬如駕巨艇帆順  
風沿長江而至大海可刻期到也孰得而禦之予於彥  
聲相知於數十載之前故人也其在禮部屬官也而樂  
道人之善以成其美予之素心也雖不予請猶當張之  
以言况重以舊僚之請耶顧予徒能道其既往之績而  
不能少補其將來之善此則可愧也

太守王公之任鳳翔序

明劉宣

祭酒

三代以前仕者不出千里之外自秦罷侯置守而遊宦  
者率多去家甚遠其或能近墳墓親戚者則人比畫眉

之榮若漢之朱買臣宋之韓魏公是已今鳳翔太守王  
公信之其跡二公果孰先後也耶公之先北京大興人  
也其尊甫遊宦關中遂家西安之商州墳墓親戚俱在  
焉成化丙戌公登進士第未幾拜金州守金州雖在漢  
中而項氏以爲此亦關中地也公過其故里展墳墓晏  
親戚從容歡會久而後之官且其風俗人情不甚相遠  
公因其情從其俗是以不勞而治數年之間聲名籍甚  
遂陞南京戶部員外郎繼陞郎中公之在南京也與予  
居相鄰予觀其持守之正澁任之勤處事之公待下之

續脩商志

卷十下

六

仁恕心竊敬慕之而大司徒黃公暨南都諸縉紳亦莫  
不稱羨之焉今又有鳳翔太守之命卽古之諸侯也非  
其人則未易得公居卽署不十載而遂得之苟非才行  
卓異曷臻茲哉且鳳翔關中大郡也寔與西安鄰封文  
武周公之流風餘韻尚有存者公耳濡目染因其風俗  
而治其民則民之從之也殆猶隄防決而水東注陽春  
布而物熙熙有莫知其所以然而然者其功名事業將  
不與魏公相高下也耶是則公之所可智著豈特畫錦  
云乎

賀張誠菴憲長晉擢蜀藩序

明邵可立再見

粵稽尚書優崇四岳禪讓大典且不以咨百揆獨咨岳  
疑蓋黻座前無右四岳也今方伯卽古岳牧云要之太  
微一十五星光標雲漢則旬宣屏翰綱紀人倫實嘉賴  
之顧惟才是陟向非偉碩之品鮮免覆餗之誚矣誠菴  
張公祖雅有英聲旣總秦之臬事二年序爵以賢而以  
公膺其任或曰以方伯召司成旋卽爲太宰若富沙李  
公可也由方伯入爲司寇若康僖陸公可也不宜淹淹

續脩商志

卷十下

七

作鎮常調也予曰今昔亦遂相遠矣 明主愛爵祿此  
天施未可易徼也而公固有且然而自必然者矣公之  
蜀吏率相雀躍而乞予作誦予稔知張之先多善士公  
節約守道之澹里人避舍而賢之嗣後以陽甲佐度支  
之務爬搔振刷條議數當筦庫之役不私一錢充余所  
睹記者公負夙望如是遂有關內之守有上洛之治又  
有臬長之司公則益崇益震愈出愈奇七載爲政百美  
且奏歌謠載道焉公馭吏嚴嘗曰上事繭絲孰敢不應  
而有所縱于有司必其染于有司也直以精神喻之自



是轄中絕苞苴者公當機審曰以小便開天地之覺以  
小不便破天地之防吾不爲也直以無事處自六事約  
束外固無謂出令者公訊獄平曰天地間薰蒸透徹足  
此通彼者其惟和氣乎潘刑峻罰毋吾以也而轄中固  
有恣桁楊者至于嚴設防豫則備兵餉勤團練士卒超  
距而當先耀武徇寇之變竟得以伸爲息以縮爲威而  
五城罕萑苻之警公蒞秦凡三任察吏不已繼以簡訟  
課桀不已更督女紅復進青衿而勸誘之賑惠之匹夫  
匹婦荷棠深矣猶未也夫公一身耳印纍纍綬若若公

續脩商志

卷十下

八

無擇巨細徇法不徇官而以觀火之見遊輕車之捷人  
曰險道皆平皆批窾力也公信命世才也而公且以羔  
羊禠躬肌體若忌其豐卽子姓每令悃悞自持大法小  
魚一道同風屬吏又奚不象旨焉猶憶公在事日無矯  
陽天宇亢爽開和鬱休多黍多稌孰天無明孰地無察  
公清如公上下際泰此豈偶然事耶今未幾蝗蝻作祟  
欲履豐年無由矣屬吏愕顧曰毋以我公歸今何勤于  
西蜀一餉耶一餉何足以勤公耶余又曰秦蜀比鄰也  
以秦移之蜀未必不自蜀復之也喜福星之重臨茲

行也一轉關間竹馬以待雖李陸二公異世伯仲可也  
我吏民其慰倍矣屬吏曰唯唯

商志舊序

明武功康海 狀元

五溪蕭子以陝西布政司右叅議治商洛漢中謂商爲  
關西大郡當有以傳其文獻於是取郡志叅校更定而  
成是編筆雖秉於任氏而斟酌損益一出於蕭子刻旣  
成以予序諸其首予惟郡縣之志闕畧廢壞天下十有  
八九揆厥所由視諸官師加意與否而已 明興百六  
十有八年典章文物前代之盛莫之能或先也數年以

續脩商志

卷十下

九

來官程格于口 禰理道蓋于議端 聖天子勵精圖治  
十有三年始皆釐而正之吏就典列民有恒心天下章  
縫之士歌詠誦說駸駸乎有洪武末樂之舊闕者漸全  
略者咸備廢者以興壞者復故而蕭子蓋又先得乎我  
心之同然者其所以亟亟以成是編夫豈徒然者哉撰  
述參校之意蕭子自叙已盡觀者當覽而得之茲不復  
贅但以歲月引之首且以示商之後賢君子與所以嗣  
至而撫治之者予在長安見蕭子撫治事宜其篤於愛  
民薄于自奉人之所不能逮者多矣况乎憂民之憂樂

民之樂與行禮教宣布德意如彼哉讀是志者當有以識蕭子之用心可也

商略舊序

明內方童承叙  
庶子

聚物昭迹匪志胡考感興懲逸匪志胡鑒漢魏以降紀事之籍史志並存郡邑類各爲志以別於史史舉其要志舉其詳史者郡志之所萃也顧渙見孰與萃萃之合異孰與專門之志豈易言哉是故麟經絕響班馬繼興世因代移人各見殊匪萃而誣卽詭而鄙萃則文靡誣則實眩詭則義乖鄙則言俚舉志蠹也商自建設隸

續脩商志

卷十下

十

號弗一志無成書地也有遺蹟焉吏也有遺澤焉才也有遺烈焉善也有遺德焉文也有遺錄焉民風物故萃不可徵如是而欲考便於物蹟之全鑒昭而感懲有作近之以備觀風之采遠之以禪國史之脩無其具也懷南任子義重棗梓恒念念於志思繩往而牖來遠稽於墳典博采於譜牒咨詢於故老參訂於儒紳數月而志成更名曰商畧謂舉商之大畧也屬予序諸首簡予惟郡邑之志闕畧多矣莊子曰嗜慾深者天機淺然非任子祛紛驅煩履道敦素能復有是志乎明地理知更涉

之富明建置知綜理之密明學校知崇迪之隆明典  
知經曲之審明官師知詔誡之嚴明選舉知涵育之  
明人士知景行之篤明雜述知蒐輯之備而謹灾祥以  
示儆後佛老以黜邪崇節義以立維重人才以礪鈍判  
經者不執於權履道者不問其類予再閱而終篇則又  
刊繁挈要祛浮覈實匪華以誣匪詭以鄙駸駸乎班馬  
之遺良也公而信斷而裁紀錄而考以便也往存而鑒  
自昭也商民其末賴乎茲志出而人誦之將以視商者  
視天下豈特一郡之取徵哉世有外史氏作蓋必於是  
續脩商志

卷十下

十一

馬觀矣

商畧舊序

明三原馬堉 光祿卿

玄黃肇判山川淑清秦東藩蔽終南亘滎重蔭厓作華  
陽帳幘千巖松響萬壑泉鳴星分輿鬼地畛雍梁首陳  
三錯津渡千箱軒轅造運玄契封商畫啓六書教敷五  
常河圖弼政洛典興疇姬公問數微子奔周美經是衍  
雅頌兼收賜族子氏本姓源流望於上國茲維名區前  
無紀述後乃虛車維質斯傳維鑿斯書民風物祥原始  
迨初孰出典籍孰躬次編縹囊殘闕閱歷歲年民用嘗

右政用猝然於今作則於古爲便日萃不至良屢艱成  
西施絕步嘉縞奚盟道風邁電歷塊斯名赤霄飛景斷  
玉方呈爰有劉侯咨於任君矢心協力揚蘭挾芸萃而  
羊之旁及絲琴邈而登之極於典墳屬辭記事左史是  
許辨物徵跡爾雅爲程分官列秩周禮擬精品山題水  
國語同情大綱既挈細瑣咸推幽曷語怪常豈同雷文  
簡雍錄確審而該龍圖秦志明簡而現崇古絕俗韞寶  
藏瓊德潛用闡民隱獲伸直不在已譽不媚人三長二  
美繼馬紹麟鼓衆成化謀始覺迷表儀樹則尚友思齊  
續脩商志

卷十下

十二

古士斯厲凡民罔賦於焉適治途亦孔夷劉侯者誰文  
和之孫親承庭訓躬懷玉存號曰龍洋東土聿尊一德  
與政人和俗淳任君商產遠有師承蒙泉懷麓二世會  
甥厥器彬彬厥質瑛瑛琢文繪句學博詞宏板錄楮印  
洵都可傳請余贊字韻語於篇

商畧齋序

明斟劉承學

知州

君子將爲邦國之典而謀始者藉之以不替豈俾有所  
考信也耶閱而感焉繩而正之惠而翼之教而育之則  
今之民是尚不可善而仁乎是故民治者非無徵之息

而善自取懲之難蓋前者後之象也文者政之跡也因其象而象之循其跡而步且蹈焉政或有弗叙者吾未之前聞也商州古關內地由周而上列諸國由秦而下列諸郡其所由來吾不知其凡幾世其長而治之者吾不知其凡幾人矣往歲余以職事嘗涉渭陟岷浮河跨洮駕西傾之雄而望蟠冢之宗全陝以西之勝槩蓋嘗有以詳覽之矣迄辛亥歲復自晉如商守之繼至則見夫廢蕪填委浩浩乎漫無統紀焚焚乎弗可以智乘也暇日乃取懷南任子商畧考而觀之見所謂王疑之治賦

無取元之之種蔬自給邵隆披荆棘爲治招流散以拒金宗元以清脩自持携琴尊以爲娛武茂秉清脩之節篤於愛民平甫庶慎有爲興學禮士乃嘆曰是亦可徵也已遂細觀而終篇乃又嘆曰商天下名區也六經本於文字文字則始制於商至治本於五教五教則敬敷在商聖君賢相不外乎一德君相之嘉會亦在商至於天雨粟以昭神明之德地出書以垂洪範之疇咸在茲而不可勝原乃又嘆曰是誠足徵也已殆非西部之風可肖也西部之民悍而鷙商之民朴而實西部之地荒

而邈商之地秀而淑成化 鼓俗而難易類殘未勝不  
必論也皆爲政者所當知乃又嘆曰任子之略其事該  
而核其義嚴而正其慮深而遠而能出一時崛起之志  
成百年未集之典毅矣哉夫非盡才且美乎若是者其  
爲志家之良也嗚呼斯畧也作之善則爲政體之龜鑑  
作之不善則爲政體之疵贅任子之作其善有如此吾  
知其爲龜鑑而非疵贅也諒矣乃遂壽諸梓俾凡後之  
來守茲郡者見有可徵行爲可傳而商之人則將來賴  
而不冒夫至仁也謂非集畧者之仁而仁之於無窮也  
哉

續脩商志

卷十下

十四

續脩商志序

明郡人牛維曜

監軍道

龍溪王公以博雅君子來守商於下車之日它務未遑  
卽留神州志蓋將考封域之廣狹習尚之美惡政治之  
得失以史爲鑑而懷保移易之意寓焉旣竣以一帙授  
曜徵序曜編氓也方奉 旨養疴林泉慨舊文之散逸  
誦新志之精詳幸千載一時何敢無言而處於此夫志  
卽史也古者列國各有史春秋之作特以魯史爲據耳  
明興迄三百年所在郡國不乏志况商於居百二首郡





嚴霜烈日其節概光風霽月其襟懷允文允武其才猷則志之續也乃其一班也曜故一一志之以請乃玉公憮然曰不佞待罪四載日拮据焦勞不遑暇食幸縉紳與父老子弟之不督過我也而子之言不以箴而以美是以不佞爲市義乎市名乎遂躬自削之以授梨人寮人

壽牛母八十序

清張國泰 再見

容歲余奉 簡命撫治商洛自察吏明農外老者余得而禮之秀者余得而教之以爲五邑勸爰諏紳士郡民乃續脩商志

卷十下

六

以首貢生牛維晃進爲其母子相依冷態甘素旣見循循執禮與余庶靜之性盖有合焉聞其母已八十更可慶也余遂禮而右之日分薄俸使慰朝昏閱一年戊子其母八十一矣郡之所親與族將製錦請言爲其母賀余聞之喜曰敬德尊年商之人可以教矣乃徵其賢績而手次之其母姓田氏篤誠慈敏儀則淑嫻賓于牛首貢之父爲繼室佐勤雞窓克美宗牖而貢生之父由廣文擢縣尹考績三載致政十年其母功參半矣霜帷三十年食蔬褐布身親栽爨專子勤業前子三庶子一皆

衣冠廩餼生子維冕已當對揚大廷其母教迨半矣且  
與婦子同勤苦樹植課種督耕而田之米鹽瑣屑一不  
以分生子之心其族叔若姪咸霑餘貺且使前子承歡  
罔貳甚以其母之愛患難羈身義成烈孝其母之德又  
遠且峻矣是以保康者于頻劫佇榮封于嘉嗣而孫枝  
森秀錫類諶祥今卽年踰九九而皤髮丹顏川至月恒  
祺願將未艾也余不能不爲德徵之母慶更不能不爲  
德徵勉焉是爲序以壽

順治五年

代壽菊絡許公祖詞

清郡人牛維冕

教諭

續脩商志

卷十下

十七

稽古鼎讚元螭暇錫祺茂熙庸浥眷台耆崇嘉言乎龍  
光湛露豐肴康邵也茲者撫治許老公祖屏憲玄封恩  
加萬姓者纔一愈年而文澣武昭政成俗洽台戩登乎  
麗秀穀川至而岡興民濡汪湟飲醇無射因東華之令  
且進春爵以躋堂祝薦懶誠颺言保艾某仁風稔庇於  
鄰郊典績鳳型於畿里逞效幽人以介壽先步萃封而  
慶登前致辭曰粵若蒼旂炫瑤宮而敷氣母彌顯德以  
福疇肆我公祖寶天質而映紫閣洵開代之英流夫乃  
煥高雲清河瀏應斗談於南陽羨瓊枝於宛州甲中原

之世策冠盛國之麟圖鴻文森乎壁壘警警日噦于春蒐  
銛新劔於江左綏飛李之南樛總秩會于綿蕞燦明補  
之宗周於是簡碩抱重巖疆谷四岳而分陝媿玄尚之  
蕃商渡洛伊始恤鴈未翔下明詔頒新章徽五教急槐  
槍偃鼓允猷禽懋薩而遁來渠縱匡經迂運扶風脉而  
立易空玉痛荒徭以請蠲孔棘起草於凌霜閔殘屢之  
散賦冲然撤稅於關梁簡閱嚴而選徒超距勸戒悉而業  
就耕桑辟榛塗以廣芸鑿遐恩加進於解推陶鉛繫而  
眡準臬服思羨濟於陳嘗宏網大舉條藝四張飛聰馳  
續脩商志

明采時順方更若好吏寒縮於侮字驕兵思犯於秋毫  
獻辭片折於無情積書逆詭於潛毛井伍練而丁男壯  
靖奔伏于天旄鄉長立而川日清齊大治於蓬蒿販頻  
災于焦爛謝祝融之紅濤澍甘露于零祀歛魃虐之蒸  
飈運逸翰而猛戢息汰濫費而羸民膏以斯浹歲人和  
時熙雨霑雲油嘘風麗日弱扶劇郡殘起四邑翰荆襄  
式鄖浙通蜀道嶂秦壁元氣振而凋劫興慈育彰而俗  
尚吉視我公祖方席寧茹淡雋味五芝餐玄根以體健  
吸沆瀣而卓思浴松桂以蟠蜿濯卿露之漣漪烜升恒

于日觀灑徧德於群黎夫豈方州之才彥較遐遐與秀  
着抑豈蓬壺之玄會矜火棗與膠梨是將跨躡地絡周  
旋天綱丹陸嶢嶢彤庭煌煌旅山襲土登瓊合璋景霽  
民而壽國自耆薦以彭觴敢揚盛美聲載歌東華頽震  
崧岫雲章璇提衡柱玉拱金梁贊毛謝鳳瑤圃琳璜璽  
祖帛兮代藩華陽澤汪濊兮通峻八荒隨楚山兮洧水  
溶光民飲醇醪兮固本寧邦越孽朋酒兮稱彼兕觥第  
邈江河兮壽躋崐岡且皇楨而作瑞浩千春兮歲長祥

代賀無治許公削平寇孽

續脩商志

卷十下

十九

欽賜蟒服序

郡人李庚如

學生

廟計重殊尤之才允文還期允武箭衣珍華袞之用章  
德實以章功惟其有不數見之奇勲所由膺難可致之  
曠典兵民忻慰人士歡呼恭惟許老公祖台臺偉挺嵩  
嵐藻披河潤端毅成性瑰離吐問氣之奇月露爲華瑞  
璨極文章之妙秉彝中自涵英分經術內即備韜鈴所  
以敲策金門已見折衝之畧既而熙歆春秩還饒樽俎  
之風逮旬宜稱之于契封乃浴授殷求于帝座簡碩謨  
而俾重地在廷可謂得人胥殘土而借長城于野不爲

何恃自祭戟載臨于上洛正寇氛盤擾于南山會勦之  
檄徒勞數萬甲兵束手劇延之苦莫支二三執事焦心  
一經我公祖之靜籌爰釋各守封之大難間謀行而渠  
魁有自俘之款信賞立而黨眾無胥固之萌威武功昭  
人第傳恬風靜浪廓清績燦目不覩斷鏃殘骸繼復加  
意脩文儼邁環橋之盛抑且茲懷衛正屹瞻山斗之宗  
易蘭若而文昌培風氣哉人心于是大正闢因仍而遷  
建創一時乎百年賴以蒙庥尋且制強暴而多士敷榮  
不啻荷芬太涸漸與受準繩而人文於變有同葱化長

續脩商志

卷十下

二十

安以及易積書則吮吸澄清蕪之搜散賦而侵漁屏革  
市廛有平沽之價衢里無公役之聲緝百雉以翼民居  
簡伍徒而揚敵愾靈澍藉其蘇之貺流亡歸厥字之誠  
四境平寧百為順序不羣之績人人鐫之口碑弘被之  
恩在在深其佩服所以敷同二計奏牘驚絕代之庸遂  
而賞懋九重宮錦慶華章之錫詎曰子慰爾爾惟慰悅  
予志予于爾無吝息也亦云朕衣汝汝先衣袂汝民朕  
于汝豈有加焉轟動關門爭看締繡之來天上喧騰洛  
水欣接服章之自日邊標伍編氓咸踴躍而企瞻寵眷

縉申覺序竊謳思而絢挾隆休僉謀製于廣文敬屬言  
以弁獻幸惟敷林蹈不揣鴛庸勉綴油歌恭陳燕賀詞  
日彩展彤墀光分紫禁灼灼官剪新章可羨俄驚竅異  
竚接承筐齊看榮來雙鳳闕更忻輝滿五城坊屏楹際  
列拜劍冠鳴璫韻迭笙簧 敷放萬峰洗千巘撫渠殲  
魁繫纓長况是文興八代易建持防羨猷熙績誰堪比  
至誠深靜不能忘呼今 上惟願有加無已在笥衣裳  
右調畫錦堂

附祭文志銘

續商志

卷十下

二十一

祭商州刺史李中丞文

唐柳宗元

惟公堅貞守道潔廉成德當官秉彝卓爾孤直高節外  
峻純誠內植臨事不回執心無惑矯矯勁質擢於天枝  
式是邠族粲其羽儀蒞跡內史參其軍事自下廟上直  
詞屢至于後受邑歷撫疲人公去逾久人滋味呻復從  
京邑辟署司錄振其綱條端我旬服黠吏屏氣貪官窒  
愆赫赫有命登於王庭邦賦以脩國用是經實抗其長  
以奉準程校其簿書無失竒羸進為正郎旬會是專乃  
刺於商虎節登山化瘠為沃致夷於艱道途謳歌有詔

徵還丞我御史執其憲矩糾逃之志直滑是舉  
吏必薪之楚始終七載不忘祇勤事無觀瞻道有屈伸  
阜囊密啓忠懇屢陳令望逾重名卿是屬拖紳遽聞卷  
衣已復禮幣賄贈 命服寔安有時歲月逾歷播等  
猥備官屬况當薦延承其規模奉以周旋近或逾月遠  
則累年咸承至公官守獲全故事盡在遺風藹然俯仰  
庭除顧慕潺湲致誠一觴拜訣堂筵嗚呼哀哉

祭商州呂刺史文

唐人 失姓名

惟靈族光鈞渭慶顯歌齊竹分東箭玉奪南圭逶迤霄

續脩商志

卷十下

二十二

路睥睨雲梯淺牙洞鼠短刃分犀古聖堂與前賢町畦  
滯腸效藥刮膜留篋彈琴而放臣見澤賣賦而垢后還  
閨旣步京國亦薦鄉里與田蘇游有大叔羨鄴都才運  
洛陽年齒何晏神仙張良女子禮圍之擅譽也如彼丹  
府傳名今若此囊成內殿之帷書貴皇都之紙中臺南  
省諫署戎藩才難價重政舉人存蓮池易曉蘭圃多暄  
涵波獨躍弄影孤翻玉燦樓中曾經暇日楊雄宅裡炎  
吊遺魂參差遘憫萋菲成寃漢庭毀誼楚國謬原建禮  
門內明光殿外直金旣肆於猜疑魏 從於沙汰

犯霜露支離埃壘厲山遙鬱于朝嵐澹水傍奔其素瀨  
猶懷毒草過農井以低窺尚憶神珠向隋臺而獨酌著  
宮二尹相府中郎將神變屈欲復駕行朱幡意氣阜蓋  
輝光訓說則馬季長之居南都風流則殷仲文之守東  
陽劉寵一錢鄧攸五鼓遂解郡符來登書府儒林文苑  
瑤山瓊圃鉛槧朝閱芸籤夜數瓜當鄭灼之心錐在蘇  
秦之股是從佐理于彼東周雷喧洛汜電掣嵩丘孟泉  
嘉月金谷清秋陳思王之羅襪部有道之仙舟不無賦  
詠聊以優游漢人曉關晉分陰地籍賢太守之政有古

諸侯之貴載揚筆陣復清劍氣長卿消渴士安風痺遊  
川幾歎于不迴朝露俄聞於溘至嗚呼昔也風塵投分  
平生少年雕龍競巧倚馬爭妍開襟隋岸侵膝伊川月  
中乃共誇科桂池裏亦相矜幕蓮劉楨屢擲畢瓮多抵  
終以世路紛綸物情推斥撫事傷年戚歡加戚路泣揚  
子絲悲墨翟縱風至而音來竟月同而地隔逮余庶部  
及子頒條華樽旨酒綺席嘉肴各懸宰綬俱失簞瓢雖  
論金而契在終照玉而顏凋子牟之思魏闕望之之憶  
漢朝誠知古在不覺魂銷書斷三湘哀聞五嶺天涯地



末高秋落景重疊憂端縱橫淚綆滯虬夜促駒隙朝駉  
怨藻翰之忘雕惜陽春之亂卸言念命季託予屬城鴿  
原鴈序昔日歡情蠻圻燿嶠今朝哭聲愍支體遽忘于  
手足兄弟不如其友生嗚呼厚夜依臺窮泉訪路已已  
金骨嗟嗟玉樹莫和哀棣陳薄具御萬里之遐誠託  
千詞之寄喻異時松楸枯朽羊席傾頽草宿苔厚門平  
闕權尚期越禮用寫餘哀靈今不昧儻或來哉

祭商州南太僕文

嘉靖十八年 明世宗

皇帝特遣本布政司右叅議蕭廷傑

諭祭于南

續脩商志

卷十六

三四

太僕寺卿南鑑曰惟爾蒞跡賢科歷官內外載晉卿階  
中遭讒構方圖起用遽爾沉淪爰念徃勞特頒葬祭爾  
靈不昧尚克鑒歎太僕子南源疏附錄其略于左

孤父布政河南時心雖勞而政日拙以此得罪宦瑾  
始以忤旨解京繫錦衣八十四日痛撻三十罪結罰  
俸後官太僕又以忤旨著致仕瑾敗蒙科道交章論  
薦吏部會推守正被害者五十餘人中間大臣貶竄  
者如劉忠宣公韓忠定公輩纔得復職致仕者如孤  
父十餘人俱未錄用而孤父老死于家同薦大臣悉

蒙葬祭為其守正不阿旌其賢耳孤父雖無大功于  
國家然不敢附權臣以羞朝廷謂之曰賢未之過也  
夫挺辱在廷縲綬在獄生與諸賢同患死不得與諸  
賢同榮此孤所以痛哭流涕而不平也先正有曰得  
為而不為與不得為而為之均于不孝孤如為所不  
得為則得罪名教固莫能追如果憂其得為而不能  
為之誠有不盡于心也

祭原都憲文

明陽城楊樞

撫治道

維公夙將九重之命肇鎮三省之交活數十萬戶于流

續脩商志

卷十下

又三十四

離轉徙而歸之版圖創一郡七邑于遐阻紛錯而奠之  
疆域體統聯屬規制宏長植固邦本綏定厥家其功蓋  
不在謹茲東郊下廟食千秋應古祭法樞小子幸以衆  
梓叨撫遺黎壘書所寄固公昔經理最南一區也其敢  
云命以周公之事歷稽丕訓世變風移誠不啻三紀式  
化于茲矣高山仰止黍稷非馨敢出管仲神或啓予

祭四皓文

明楚中胡定

撫治道

嗚呼世謂先生徒隱者惡知先生先生徒隱者乎嬴秦  
暴虐亡禮義燔詩書僂辱學士大夫先生棄之漢祖輕

士慢罵先生逃之太子危社稷幾搖先生出而康之孝  
惠幼冲高后稱制牝雞晨鳴先生義不辱去之去而避

秦出而扶漢進不失儀退不言功先生出處進退之義具矣先生

徒隱者乎而世或以謂先生願死太子之言近于脅不

知此固子房所謂難以口舌爭者諫有五仲尼取焉是

或一道耶獨怪先生有授璽定策功於漢而先生歸卒

不聞漢使者一問商山何也豈趙王母子既禱孝惠悲

慘忘天下竟以此念不及先生耶將先生隱姓名去不

可求也不然則前日羽翼之事當曲逆白登之計史所

續脩商志

卷十下

二十五

稱其事秘不傳者類耶果若此類是先生臥而安人國  
不出商山而繫天下之重皆足以明先生之高先生尚

祭韓退之文

胡定再見

嗚呼道大莫容才高受忌自古而嘆之矣若仲尼之在

春秋子思孟子之在戰國董仲舒之在漢先生之在唐

也非耶嗚呼孔子子思孟子仲舒後世竟如何矣公雖

稍齟齬然尋復登用文章節義為世山斗即所嘗須臾

頓轡如秦粵嶺海之間千百世之下猶能使人咨嗟嚮

慕俎豆無窮彼媚嫉壬人憑時肆螫傾陷方正旋亦死

死徒遺詬百代令公道益顯名益章大耳章弗章非公所知要於吾徒愉暢且足警彼儉夫作戒來世矣嗚呼佛骨書今凜凜猶聞公言神宜不泯庶鑒予觴焉

祭商洛道張大來親翁

清河陽薛抱素

詩封  
侍印

老親翁天中世軼自定國就爵燕邸而勳胄喬森及公岐嶷雋異曾閱情篤迨魁乙薦磊磊落落家嘗尊傾北海如陳思交游瓊粲座無俗履且賦倒三峽詞窟而酉一時諸侯王卿執以接頰爲幸誠人傑也由是辭名日富以廣文進講東宮更嫺翰畧爲樞曹職方洎疏淪九續脩商志

卷十下

二十六

河功比虞司空督餉闕隴謀逾蕭相國又誠天下之全才也當事者遂借羨文武資長城于巖邑是以有商維之行商洛數殘六百里盡爲賊藪公受事散材招民化爭禁訟生聚始蕃勸農課稅士始知鉛槧民始業耒耜備器械禦節叛風鶴始得強立禽猛獸制譁卒肅鴻始獲安堵四載以來後先直指俱首揚薦牘時巴蜀新定借才至急乃晉公川北外臺方促裝就道忽鄰孽蔓延擾我邊圉寇我黔黎公赫然振怒擐甲親征一戰于雞冠再戰于伯牙風雨當先累成大捷嗟乎名固獨楊軍

微而身乃中濕伏勞然支牀藥餌猶且手勤謀筭指授  
中軍其于王事不計有身如此殆秋風五丈後一人也  
於戲公之心與公之才卽調元變化八表澄清固恢乎  
餘事耳何天不弔而竟頽我泰山也耶雖然綜而論之  
大孝精忠光封彝呂矧蘭桂英莢科宦繼美所謂有後  
者不死也而公卽仙逝德業功庸並留天地凡名垂之  
日皆有生之年也豈更有崇隆顯赫于此者哉某夙忝  
棄梓新附鳶羅聞訃哀號不禁五內之崩裂也謹以多  
雞瀆絮道伴遙上命四兒商守所習代酌柩前惟靈有  
續脩商志

卷十下

祭牛王神文

清河陽薛所習 知州

民爲國本食爲民天由來古矣故 朝廷設官以爲民  
也歐蝨賊而養嘉禾厥職惟官至于疫癘災侵之屬則  
惟神是司商於屢罹兵燹寥寥遺孑率鵠面鳩形饕飮  
不給又值綠林四起窮苦稱最所習承乏茲土加意拊  
循百方釐剔越今三載蠲獲安堵自謂雖無竒勳上酌  
國恩但使瘡痍之衆元氣少復借斯民同享一域之小  
康是卽所以不負大君也乃自春徂夏牛瘟橫行死者

無笑嗟乎牛之斃矣食將焉倚惟神職膺牛王博碩欣  
嘏濕濕其耳神之職也歲時報賽何榮如之今四野崩  
騫而不知救萬民禱祀而若罔聞無乃神之不靈乎夫  
官之不職則當去官神之不靈又焉用神爲如曰官失  
其政以干和氣則當奏乎帝降譴于官民伊何辜而大  
喪其謀生之具乎抑或陰陽之戾氣歟三公之官尚盡  
燮理以補造化神獨不能挽回替襄乎其間耶今潔我  
牲醴告爾明神伏乞歆吾祭以庇爾牛死者不可復甦  
但令瘡痍安痊生者茁壯俾民天祐而國本寧于以安

續脩商志

卷十下

二十八

享伏臘也奚愧焉不則我將咎爾神之不聰

上任祭城隍文

清古晉王廷伊

知州

職晉土迂儒賦性踈拙久矣甘栖林壑原不希心仕進  
但因身受賊氛之荼毒思報効我

清皇之林援此覲焉就職不憚折腰也初奉簡拔除後  
申州拮据二載以讀禮告歸雖無裨益于民生實無遺  
累于地方今再受簡命補蒞商於夫商於之土地不殊  
申陽之土地商於之人民不殊申陽之人民也若不能  
愛惜百姓權使擄使怠惰職業焚賊壞法上負

朝廷任使之意內背祖宗清白之風任心冥行卽能逃人之耳目不能逃神之洞察神必吐之使棄市他鄉以爲後事不職者之戒但恐才拙通方識短逢世力不從心事遇掣肘唯借神之啓佑蓋神奉勅以鎮臨封疆職奉命以綏理民生幽明表裏實與職共則雨暘時若災稜默化職不能不厚望于神焉謹齋潔愚心虔陳牲俎神其鑒之

祛虎申文

王廷伊 再見

西安府商州知州王申爲祛除惡獸以清道路以安民

續脩商志

卷十下

二十九

生事照得商於四面唯神鎮之山林猛獸唯神制之唯神享 朝廷之蒸嘗萬民之頂禮愛人育物于神爲厚望焉乃牧護關猛虎負嶼行人戒途不得已遣虎兵捕獲而東路羅漢洞報稱生員何蕞崑以英英子衿命喪虎口未几而傅郵之公差荷戈之營兵相繼告傷其未及見聞者不知几許也竊思州有惡人而不知治職無所辭其咎山有猛獸而不加戢于神獨無責乎且虎不傷人人亦奚庸害虎兩相安于無事夫非並育不害之音與仰祈神明憐殘土之子遺兵燹之餘生顯布靈爽

驅猛獸于深山茂林之中以全其嘯而風生之勢使耕者無膽喪于田間行者無消魂于道路旱職亦得邀神靈之呵護以對此方之士民矣爲此激切具申伏乞神鑒施行

祈晴文

王廷伊 再見

竊惟牧民者職之司也一方之苦楚屬職調劑之幽替者神之職也一方之災祲唯神默化之今者大雨連綿旬日不休芄芄黍苗胥及爛浥且也城垣倒壞廬室傾圮睹殘黎之饑溺憂心如焚靈爽如神獨不憐此下民續脩商志

卷十下

三十

乎職非不知淒風苦雨亦陰陽之大數但在富庶之區黎民猶堪力支嗟此商於鋒鏑之餘生何堪釜冷甫集之哀鴻孰當枵腹秋成無望立見流離展轉矣懇乞神靈顯施呵護搏轉陰陽風清而霧捲雨霽而雲收使方秀之稻穀穎斯而實斯未壞之苗禾滌場而圍稼人民封疆均邀神貺在職一念之微誠不足上邀神聽庶援萬姓之罄罄仰求神惻儻或職不能潔已愛民刑罰不中蠹惡不戢是非不明諸方奉職無狀則寧治職之罪可也敬陳牲醴虔禱神明伏惟神鑒



明商洛道黃公忠烈傳

王廷伊 再見

公諱世清字澄海山東滕縣人也明丁卯舉於鄉甲戌  
登進士初授戶部主事歷員外郎中出守山西冀南道  
公爲人廉靜端方望之肅然去任咏甘棠歌樸棣者至  
今遍西河人士也崇禎十三年四月陞陝西布政司右  
叅來屏商洛時流寇交訐已越十餘載矣商州四墊焚  
掠幾遍惟倚城中爲安而屢被客兵蹂躪彼時民之畏  
兵與畏寇等公建牙三日詢諸耆舊得其情曰後當不  
復令此輩入城半步未幾總鎮秦某督兵至公諭關外  
續脩商志

卷十下

三十一

安置有二卒強入毆守者破其面公立置重法諸軍皆  
震悚自是 督 撫兩臺每蒞兵入商必飭曰當恪守  
紀律勿犯黃叅議其嚴厲有如此者且徵兵旁午芻糗  
不敷里甲苦之公議處有方百姓歲輕數百金其時驛  
馬民養動至傾家公求革其弊至于課誨士子引繩削  
墨不遺餘力吏治民安利興害除五屬之軍士人民咸  
舉手加額曰惠我 一 日軍嶺告急公擐甲胄冒矢石  
相機勦滅胸中饒有百萬甲兵經云事君軍旅不避難  
其公之謂與十五年適同公 督 楚豫關中震動

公一子方垂髫一日含淚囑西賓卽博士毛文褒曰賊  
寇猖獗中原失陷萬一天不相商愚當以死報國前  
生爲我存趙氏孤公于天時人事實有確算于衆者越  
十六年十月自成破函關分遣右營十萬餘衆由宛鄧  
寇商十二日前鋒至公率士民登陴堅守越翌日賊衆  
大至重圍數匝公縋壯士織渠長以六七十計時長安  
已陷公門下員役張鳴玉私越城投賊勸商人降公誘  
至隍邊曰逃城降賊罪不容死又爲賊作說客耶命火  
器營周揚實以鳥鎗擊之立斃勇士取其首公示衆誓

續脩商志

卷十下

三十二

曰苟有二心即如此例衆環拜泣曰五載高深願効死  
勿去僉奮勇拒戰砲矢盡繼以石石盡婦女剜街砌繼  
之至下元亭午力竭援絕城遂破衆叩公由北城走公  
曰身死封疆分也逃將爲往遂下城返衙袍笏坐堂上  
目僕人朱化鳳曰國而忘家予之職也汝其去之鳳曰  
誓與主公同死生義不他往言未已賊衆忽至牽公公  
曰此本道死所也當速殺我賊曰汝降則官之遂擁公  
出鳳厲聲呵曰狗賊撒手不得無禮賊亂批其頰比見  
賊渠袁宗第公挺立不屈左右強之拜鳳曰我主公友

面大臣肯拜汝賊袁怒起縛鳳殺之至死罵不絕口及  
袁以偽防禦劄授公公髮墜毗裂大聲罵曰賊怒才不  
識順逆堂堂憲職肯受賊官耶袁使人杖出陰勸之公  
以首觸柱頭破血出賊知不能屈遂殺之嗟乎慷慨赴  
死易從容就義難公真可謂從容就義爲古今之所難  
者耳越五日賊去公面頰如生商人收葬于城西北金  
鳳山之高原並瘞化鳳死于公側歲時祀之公幼子無  
恙家人猶存一僕明年甲申春商人合錢贈送旋里歷  
清康熙三年

續脩商志

卷十下

三十三

商洛道憲錢命愚纂脩郡志搜採忠臣義士孝子節婦  
檢查至公 錢憲愾然嘆曰孔曰成仁孟曰取義黃公  
有焉雖土人歲時追祀未列宮牆崇俎豆烈烈忠魂徒  
銷沉于荒烟蔓草中獨非常事者之過乎而州之士庶  
人等欣然公舉到學該學署事胡養正詳看云氣凌蒼  
兒忠貫白虹矢志嬰城精忱埒乎金石捐軀殉難英靈  
炳若日星乃萬里遊魂徒守他鄉抔土而一腔熱血未  
蒙

昭代隆恩况事定于蓋棺而論歸于身後旣恂輿情之

公似膺崇祀之典申詳到州愚詳看有云貞良性素忠  
義天成惠政丕孚于五屬謳思允著于萬民及闖逆構  
亂會城失守而公能以彈丸孤城當十餘萬之賊衆勢  
窮力竭罵賊而死似此殺身成仁洒赤血而不枉抗懷  
就義蹈白刃以如飴真壯志堅乎金石忠膽昭于日星  
者也雖不能以一木支大厦之頽實能以一身豎千秋  
之節若不旌揚崇祀將何以勸後世之爲人臣者乎具  
詳道憲錢看云致身殉國者臣子之大經敦教勵俗者  
朝廷之鉅典故褒揚節義不沒前徽旌錄忠貞恒需

盛世明季商洛道右叅議黃鍾奇東海盡瘁西風胸富  
甲兵重倚秦關保障心堅鐵石屹爲商塞屏城屬富大  
厦傾頽獨作中流砥柱闖逆狂逞張如螳集蜂屯孤壘  
僅存危若懸絲繫卵前道忠肝奮蕞誓不與賊共生烈  
氣激昂願効闔門俱死提戈百戰膽落渠魁登陴一麾  
蟬尚以孤軍死鬪城崩力竭罵賊不讓張巡國破身忘  
蹈刃何殊李甫至今誦國忠死報凜凜義炳千秋在管  
甘觸柱殺身微袂節雄七尺著堅操于板蕩之日洛水

流馨摩正氣于日星之傍南山聳峻夫君素守土授命  
易代贈官余闕盡職殉城勝朝建廟是皆揭忠魂于旣  
往用以崇風烈于將來今前道烈媿常山屍骨歸存丘  
壠忠符信國英靈弗列贊庶大典空懸輿情曷慰伏乞  
頰批學道查例褒揚旌孤臣之忠貞化兆姓之肝膽道  
明不二人識再三則二十餘載之懿蹟庶不湮滅于山  
陬而億萬斯年之彞倫乃克顯揚于風教矣詳呈

督撫

俱批學憲查到府備查到州該學復詳云東魯名儒

西秦偉績惠政堪媿方叔堅操豈遜嚴顏愚復詳云五

續脩商志

卷十下

三五

載居官百度振舉剛方正直吏立寒氷平恕慈祥民懷  
暖日正士習而風挽置戩戩兵志而人安社席至于矢  
志嬰城從容就死凜凜大節誠古人之所難而奕世弗  
容泯者矣本府葉詳看云殺身成仁臣子之大節設典報祀  
朝廷之特恩茲故商洛道黃居官清正臨事堅貞捨生  
取義浩然之氣猶存報國捐軀剛正之節難泯是宜肇  
稱殷禮勵風教於將來旌表孤忠慰英魂於旣往詳轉  
學憲徐詳看云看得封疆之殉用者臣節勤事之祀載

在

國常已故商洛道黃服官清正就義從容守陴奮空拳  
之勇罵賊有嚼齒之風愛同峴首裂竝睢陽此天地之  
正氣風教之綱維允宜崇祀以愜輿情以勵將來詳呈  
巡撫陝西部院賈批如詳行繳

總督陝西部院白批按祀典以死勤事則祀之民既有  
口與自宜崇

孔廡一席黃少祭真無愧也如詳俎豆繳蒙本道備行  
到州愚奉行唯謹于康熙三年十月之十五日迎主入  
孔廟之名宦祠時闔州紳士與黃童白叟均拜階下歡

續脩商志

卷十下

三十六

呼曰廿年以來之人心慊然矣是年春寒食之期愚奉  
商洛錢道憲命于公之塚圍以垣牆樹以松柏遠望金  
鳳山頭儼然化碧流虹之象馬立石于前 錢道憲為  
文以記之而騷人逸士題贊佳句並列于是冊之前茲  
不復贅彼時同殉難者有署州事同州州同周文燁由  
江南貢士登仕籍署篆數月值闖逆入寇與黃公協力  
堅守城破被執罵不絕口賊斷其舌猶張目噴血喉中  
作罵聲賊以鐵鋤項燒紅納吭中磔之其子痛父死甚  
慘哭詈不休亦被殺此又殉難之最烈者也商傅士員

牛生駒葬父子骸骨于西關姚家地畔張得業地內又  
學正楊條咸寧縣人洵陽縣籍訓導王猷山西人俱歲  
貢誓不降賊而與城俱碎者商洛道中軍守備王烈涇  
陽人武進士並公義僕朱化鳳嗣蒙閣學公舉到州嗟  
乎同知周廣文楊與王學古之文人守備王掇甲之勇  
士以身殉難誠屬大節然亦分在則然也獨可異者如  
朱化鳳其人者愚以數言蔽之曰主爲城死僕爲主死  
匹夫之朴忠賢者之大節不能過焉 錢道憲詳看

云周文燧梅家遇難枕義彌堅罵賊不撓舌斷齒碎父

續脩商志

卷十下

三十七

于搜骨瘞荒坵學正楊條訓導王猷首宿寒氊誓不  
污賊守備王烈介冑武夫炳然大義並皆烈烈轟轟同  
日俱死迄今二十餘年商塞士民猶追述往事潛然賞  
涕夫以死勤事祠祀用章所以褒忠魂礪末俗也然睢  
陽抗節並錄姚閣常山著忠仍褒長史豈非事關節義  
勿論官階有裨綱常並宜揚厲者哉似宜一列表章以  
昭曠典至前道義僕朱化鳳慷慨激烈義無反顧較古  
程嬰杵臼又何愧焉見今陪葬伊主于金鳳山生死不  
離克遂其志輿論稱之應並臚列申請詳呈

督撫兩臺齊衙門覆勘已定 督學徐道憲批原署高州

事同州同知周文燁學正楊條訓導王猷守備王烈陳  
先允崇祀之黃少舉當闖逆狂逞之時同心協力捍禦  
巖邑至孤城告陷之日並櫻寇鋒同死封疆而文燁斷  
舌罵賊爲尤烈雖階有崇卑途分文武其崇著大節以  
死勤事則皆一揆者也周文燁楊條王猷允宜入祠崇  
祀以光俎豆至守備王烈向無入祠之例相應勒石直  
周用表忠節黃少舉之義僕朱化鳳大義責寇以身衛  
主忠義所在廝養可傳亦宜勒石墳陰以慰英魂

續脩商志

卷十下

三十八

巡撫賈批周文燁等殉難忠烈可嘉准祀官牆用光俎  
豆守備王烈與義僕朱化鳳如詳勒石以慰幽魂可也  
總督白批事雖隔代義炳千秋况燕都盡節諸人俱蒙  
本朝褒崇以例推之應如該道所議分別表揚以慰忠  
義之魂批行到州即于康熙四年四月二十八日迎同  
知周學正楊訓導王三主于名宦祠黃公之左守備王  
暨朱化鳳並立石道旁可見芳行烈節亘古今以爲昭  
褒義旌忠合上下而一轍愚故述之爲傳夫亦曰勸天  
下之爲人臣而懷二心者



烈士朱化鳳傳

清錢受祺 六見

烈士朱化鳳澄海黃公之僕也曷爲乎士之僕也有士  
行則士之也宜明季闖賊李自成逞志河南長驅西向  
分遣渠魁袁宗第帥兵十萬薄我商州時癸未十月十  
有三日也商州城匪堅壘斗絕寡援黃公唯以忠義激  
發士民登陴抗戰旣而力竭不支三日城遂陷公仗節  
被執而鳳乃挺身翼主左右不舍賊義之好語公曰能  
從我弗失富貴公裂眦瞪視賊欲誑公鳳厲聲曰公國  
之憲臣恨弗食汝豈爲汝誑耶賊怒以刀抉鳳口截斷

續脩商志

卷十下

三十八

其舌燬鐵練繞其身燔之鳳且死猶罵不絕口公亦旋  
被害里人瘞公悲鳳之義烈歛其骸骨封諸墓傍蓋生  
死弗離其志云嗚呼世淪衰輓綱常道缺榮利則依之  
及乎顛沛則掉臂而去者紳士猶不免焉孰云臧獲而  
凜然奮節於板蕩之秋俾主盡忠封疆不避殺身以報  
其主若化鳳者雖漢臧洪何以過哉嘗慨古人徃徃臨  
危授命蹈死如歸後乃其心事仇醜顏不耻求一殺身  
成仁如程嬰杵臼邈不可見何古今人不相及若斯其  
甚也今觀化鳳差可無憾矣因持書之以告我後人

禱雨文

王廷伊 再見

西安府商州知州王爲祈禱雨澤以拯民生事切照水旱災荒古所時有陰陽沴戾惟人所招但在膏腴之區人力猶足支造化之窮目茲商土山深而水阻地瘠而民貧且屢遭兵燹之後生齒未復瘡痍未起哀此子遺三空而四盡十室而九虛所望雨暘時若以延一日之殘喘而今入春以來亢暘不雨儻二麥不登斯民立見轉徙職目擊焦思憂魂弗寧竊思風雨露雷神得而主持之水溢旱乾神得而調和之伏希神靈惻殘疆之疾續脩商志

卷十下

三十九

苦念窮黎之哀號雲行而雨施沛甘澤於昕夕俾二麥旣穎而旣實秋禾方苞而方茂老弱免溝壑之慘壯者無流離之苦矣或者職行政多乖招致有自切無以一人之罪戾遺萬姓之饑阻也激切虔禱伏惟神鑒須至牒者

乙巳春謝雨文

王廷伊 再見

守土之責莫要於勤民四民之願莫殷於望歲夫何三春將盡愆暘不雨密雲方布於空際風霾卽起于四方麥苗旣涸人心惶惶慘此殘黎奚堪重困卑職待罪茲

士專司牧民閭里楚之興嗙不禁雲漢之殷憂既省六  
事之多愆願効棄林之躬禱倏爾甘霖大注四野均沾  
麥苗得澤而向榮豆種茁芽而吐穎自非神力之搏挽  
陰陽知周道濟孰能與此更祈此後風雨調和五穀登  
稔殘民頂大澤之霑漑僻吏戴神力之呵護矣齋心沐  
浴虔陳牲醴伏惟神鑒

商州刺史董公墓誌

唐韓愈 侍郎

公諱溪字惟深丞相贈太師隴西恭惠公第二子十九  
歲明而經獲第有司沈厚精敏未嘗有子弟之過賓接  
續脩商志

卷十下

四十

門下推舉人士侍側無虛口退而見其人淡若與之無  
情者太師賢而愛之父子間自爲知己諸子雖賢莫敢  
望之太師累踐大官臻宰相致平治終始以禮號稱名  
臣晨昏之助益有賴云太師之平汴州年考益高挈持  
維綱鋤削荒類納之太和而已其囊篋細碎無所遺滯  
繁公之功上介尚書左僕射陸公長源齒差太師標望  
絕人聞其所爲每稱舉以戒其子楊凝孟叔度以才德  
顯名朝廷及來佐幕府請門請交屏所挾爲太師薨始  
以秘書郎選叅軍京兆府法曹日伏階下與大尹爭是

非太尹屢黜已見歲中奏爲司錄參軍與一府政以能  
拜尚書度支員外郎遷倉部郎中萬年令兵誅恒州改  
度支郎中攝御史中丞爲糧料使兵罷還商州刺史糧  
料更有忿爭相牽告者事及于公因檄下御史獄公不  
與吏辯一皆引伏受垢除名徙封州元和六年五月十  
二日死湘中年四十九明年立皇太子有赦令許歸葬  
其子居中始奉喪歸元和八年十一月甲寅葬于河南  
河南縣萬安山下太師墓左夫人鄭氏附公凡再娶皆  
鄭氏女生六子四男二女長曰全正惠而早死次曰居  
續脩商志 卷十下 四十一

中好學善爲詩張籍稱之次曰從直曰居敬長女嫁具  
仙陸暢其季女後夫人之子公之母弟全素孝慈友弟  
公坐事棄同官令歸公歿比葬三年哭泣如始喪者大  
臣高其行白爲太子舍人將葬舍人與其季弟澣問銘  
于太史氏韓愈愈則爲之銘辭曰物以久弊或以驟毀  
考致要歸孰有彼此由我者吾不我者天斯而已然其  
誰使然

商縣教諭王公墓銘

明齊郡馬愉

侍讀學士

余昔在郡庠爲諸生時會郡守集十四郡邑師生脩郡

志余與焉獲與昌樂教諭王公共事幾半載見其有德  
量容止莊重諸生親愛畏服余亦雅敬之時求樂巳亥  
春也別後不相聞者二十有三年正統辛酉有進士王  
尚文者以余嘗預文衡故來謁始言其爲公之子余嗟  
其違公久喜其子有成也未幾尚文授戶部主事今年  
春尚文忽以縗服見且持狀泣曰先人歿矣弗賴于文  
恐德遂泯願賜之墓志公諱純字惟一世爲雲中廣陵  
人高祖某曾祖某祖閩考志仁皆隱德鄉稱善人公爲  
邑庠弟子員入太學洪武間授長安縣學訓導徙湖廣

續脩商志

卷十下

四十一

之黃陂丁外艱起移膠州九載始陞昌樂諭滿所司課  
其績當得教授需次久之復就教諭遂得商縣學復調  
真定之無極幾三載以年至得致仕初公在商縣時嘗  
謂三子曰雲中宗族衰謝舊業廢已久商之土沃而俗  
羨吾老必以此爲歸子如其言爲買田築室俟公歸之  
四年卒乃正統癸亥三月之二日也公生于洪武庚戌  
四月二十日享年七十有四配田氏子男三人長尚忠  
次卽尚文次尚質皆讀書克家尚文允穎出女一人適  
李氏孫八人孫女七人時年九月十九日葬于商治西

北之原公質實簡嘿甘淡泊爲儒官餘四十年凡諸生饋奉未嘗輕受至死惟以書帙遺子孫囊篋實如也所至諄諄以道義誨諸生責之力行不徒講解章句爲文詞已諸生多所成就退居教子姪同諸生人亦知其無所陰厚皆縉紳所可取者銘曰嗚呼王公六顯師席易醕以醇先文以質弗浮于行弗譁于言睨彼物汶內介弗誼生有所樂沒安以歸商邑有基刻此銘詞

賦

武關賦

唐王啓

續脩商志

卷十下

四十三

路入商山中橫武關呀重門於固護屹峭壁以潺湲在昔危時屯千夫而莫守今當盛日置一卒以常閒觀乎地勢爭雄山形互對西連蜀漢之險地接崑函之塞鏖百二都綿幾千載世亂則阨限區宇時清則通流外內當其六國連謀關防不休則斯地也雲屯豹席雪耀戈矛張儀出以行詐懷王入而竟留縱下客之鷄鳴將何莫可任公孫之馬白歆度無由及乎塵起九州波搖四海蒸鹿失而襟帶難保漢龍興而山河遂固豈料禦衝之所此日全乎未知擊柝之徒當時安在所謂以兵而

備者莫之能守以道而居者莫之能踰千里之金城湯池終爲漢有二世之士崩魚爛自是秦無今則要害何虞平隆已久雖設險以猶在顧戒嚴而則否蕭條古壘豈藏文之廢來寂寞空扉似楊雄之移後蓋以文飾武偃國泰時雍濬四明而作乾廊八極以爲墉遂使鼙鼓無喧一水之寒聲泱泱旌旗常捲千載之暮色重重嗟乎昔爲洪樞今成隙地信無外以斯見寔善閑之攸致儒有經其所感其事乃曰今朝西去豈無隨老氏之人他日東還誰是識終童之吏

續脩商志

卷十下

四十四

秦嶺賦

明王雲鳳

提學副使

我登秦嶺之巔撫清風之冷然雲飄飄以翼予今峯長松而繫馬覽千里於咫尺今萬山纍纍而在下野老道予以前路兮此韓氏之遺蹤望翠巖之片石兮得夫子之幽宮世皆與偃偻而婢响喻今予有丈夫氣安得不寤矧直諫不容於朝今又何問家於湘之童蒙歷炎海之瘴厲兮奄歲月其旣老胡生還而益壯今塞甯中之浩浩羌惘諒之蹈款兮盍改路以嘯唳三閭葬於魚腹兮今之知者笑吾將剪彩霞以爲裳兮將結長虹而爲

綬榼洞庭以爲漿兮種千頃之蘭蕙以爲糗愁猿吟兮  
泉鳴九頃首兮公之堂鬱予懷之極悲兮予亦不知其  
何情退而讀公之文兮夜爛爛其有光

紫芝賦

明啟珠

御史謫判官

粵天地之闔闢兮肇山峙而川流鬱山氣之生生兮敷  
喬脩而天采多識於草之名兮殆百種其野蔓惟此芝  
之秀異兮抱紫色而香逸感變化於陰陽兮正性命乎  
利貞乃因原而就濕兮一吐含而蒨英苗馥馥之蕤兮  
藹初生之鷲滋森森之綠葉兮亦彷彿乎鳳羽滿盈乎

續脩商志

卷十下

四十五

旁山側兮聯延乎嶇嶽巋嶠之際吸清冷之夜露兮晞  
光輝之朝暎舞長夏之風清兮壓陰崕之雪繁蘧蝶栩  
栩以欲下幽禽栖栖其如言納長吟之秋蛸兮過搜索  
之悲猿草蠱嚶嚶而鳴咽兮阜蟲趨趨而飛翻長松落  
落而蔭其巔兮薜荔落落藥之承其根通五都九土之肖  
形兮於商洛之信美古有逸民之黃綺兮偕東園而引  
角里慨唐虞之日遠兮悵桀紂之復起覽相觀於四極  
兮周流乎天倪其水東馳馬於泰山兮恨梁父之多艱  
及扶桑之未白兮詎濯髮乎涓縈朝將南遊於桂林兮



何湘水之深深瘴癘其不宜人兮懷玉盤而霑襟向鴻  
門而北望兮雪雰雰其迷下惜燕臺之已圯兮遭登閨  
風而縹馬盍欲留此秋宮兮傷漢陽之隴阪道崑崙之  
脩遠兮心增嘆其煩惋指商山以爲期兮及行迷之未  
遠昔鰥舜之茹草兮洎夷齊之食薇彼固若將終身兮  
待時清而言歸芳躅旣非遠遠兮相將步其依依漸于  
達其羽儀兮仍樂行而憂違援紫藟而坐碧草兮侶木  
石而友麋鹿採紫芝之燁燁盼期盈乎予掬登漠漠之  
高山兮遵逶迤之深谷春取其如奉兮夏茹其如笙朝

續脩商志

卷十下

四十六

飲其墜露兮夕食其落英嘆七雄之曷亡兮想見劉之  
蹶羸慕巢父之洗耳兮駕務光之逃名彼駟馬之與高  
蓋兮其憂大而罔利謂富貴之畏人兮不如貧賤而肆  
志旣諫之爲浩歌兮又假碁局以願心神料勝負於千  
里之外兮竟崑函之一卒而無秦項相忘于温飽兮又  
豈知其爲無懷氏之民葛天氏之民亂曰秦失其鹿天  
下逐兮陳勝楚項暴易暴兮辟世商山有四皓兮冥翳  
雲松不可識兮炎劉將興聊相茹芝以療飢兮皇皇漢  
庭皓皓四老羽翼成兮黃鵠一舉其千里兮倬彼紫芝

輕膏梁兮功成卷舒不願人之味兮遺跡千古仰冥  
兮

紫芝賦

明郡人王光濟 運使

曰巖巖商山英英紫芝挹春風而漸秀兮含宿雨而愈  
滋觀乎萃呈雲首騰綴霞頤麗丹石而寄根紛佳藟而  
抽枝嘉清芬之滿壑隨野品之孤披馳乎漫哉其誰知  
之昔在四皓以此療飢道遙阿上徘徊山隱且出是杯  
暮歸而炊視此一莖真同重於鼎鼐顧彼萬鍾直濟險  
於銚雖當其聖人在位賢智奮庸君臣交而魚水適明

續脩商志

卷十下

四十七

良遇而風雲從世方大治道當其隆則斯草也老於深  
山維於凡蕘迨夫秦法載興漢德不孚敵血漂流戰塵  
模糊坑燹肆虐溺騎張麤唯彼碩賢羣茲遠地各自髮  
年同紫芝味青山一入紅陌遂背清泉酒而滌襟疏風  
冷而爲賦嗟呼黃閣之客空有方徒青春之心莫測趨  
圖故使秦祚不靈長而漢步爲崎嶇徒木之法上下位  
危綿葛之制君臣義孤而頑鈍者麋好爵奔走者分權  
符聲華競焰權勢爭驅四老者迤迤馬衍衍馬獨與之  
來載歌載嘯以優以游所謂以位爲樂者悲富貴之多

憂以野自適者得貧賤之休休於此得嘉遯之深趣遂  
保身之長謀是以名品多稱常卉莫儔山壑其變日月  
云流愚者所賤達人所榮貪夫所棄高士所爭則以高  
風遠韻之所以垂光而雷聲者乎若夫平世之仕治朝  
之登爵焉而德是食位焉而道是行匡扶徵志康濟醇  
盟列鼎以饌萬家以封則又與此異處而同評者也夫  
安可於此而硜硜

擬金在鎔賦

明邵人任慶雲 知州

繼商有治厥名紅崖焉貢三錯登于天府唐制萬緒周  
續脩商志 卷十下 四十七

于世需又或譏其通神也金身致用則我擇術在人  
于諸子之始進也乃擬金在鎔爲賦其辭曰有物流行  
不朽不盈貴稱三品名冠五行地四化生天九變成象  
純之秀字坎之精德乾之剛體良之明混并泥而不汚  
藏坤土以幽貞苟不偶于世用抱堅確以自榮維彼公  
輔購我西土披砂見尋出鑛是撫曰利生民以貢天府  
大匠蕪收紅爐快覩委素質於陶鎔盡赤心以傾吐消  
渣滓於銖錙具火德於文武忽踴躍於騰惟仰息波而  
旋舞易剛執爲柔隨豈恒德之失所蓋從革之用旣臨

而變化之機斯鼓矧萬億之蘊厥愛惟深亦百鍊之功  
其成不苦苟一器之可成庶雙南之不負若夫火力既  
昌範我於匡可巨可細可圓可方瑚璉宗廟鼎鬲岩廊  
干戈武庫刀尺文房試爨鍾鏞通禮樂於一竅如規鏡  
鑑別妍媸于寸長剖印分符忠信可託制鉉刻耜慈惠  
稱良脫或同美外馮殘液中藏行脩弗顯貌短弗揚蒼  
爲不觚磨爲孔方見奴世俗負我本剛是亦命之所值  
又何求而皇皇效吾才於旣竭惟哲匠之所量揮大手  
於旋幹妙巨眼於端相苟斯美之不勝亦造物者之容

續脩南志

卷十下

四十九

光嗟夫吾聞明君好賢用以鑄相賢相論材取以觀象  
惟君相之於命代天地而再創範圍大化而不返曲成  
萬物而各當光輝潔白尚求勵於他山耳目聰明肯棄  
才於旣訪感于時之不猶類鎔金之久益忘言語以盲  
人聊作賦以自鬯敢曰噫氣之相乘吹噓天地於爐錘  
之上

蘭賦四章

明郡人牛中書

知

綠葉蓊蓊兮向雲漢而發榮素萼皎皎兮披霖霖以呈  
英細洒兮濯香蒂沈瀟兮滌紫莖柔姿漱洒兮昭儀新

浴聯艷淹濡兮貴妃洗纓玉蓋含漿兮晶豐香滴溢徑  
兮折索溥江陽之天澤轉伊蒲之化工 右一雨

夜氣氤氳兮薰卉歛蕊而凝香玄英朝澤兮花露吸滋  
而歇芳綠鞭之銳兮綴明珠紫莖之巔兮戴星芒似散

珍兮滿面頰屑玉兮盈粧露花點西施之裙裾濡藥沾  
越女之衣裳款觀綺靡馨馥須待旭晡烘煬 右二露

瀟瀟響兮拂瑤華于熈人之佩涼颺起兮噓國香于三  
者之堂飄飄兮綠葉縹青搖搖兮金粟呈芒舞飛梁家

之後借風偃屈平之纍湘偏反兮浹旬未歇遠揚兮士  
續脩商志 卷十下 五十

出有芳堪納涼兮玄圃思御颺兮蓬鄉 右三風  
青空碧宇燭龍炫耀兮偏宜芳爾香花無漢旗之狂怒

兮匪野馬之溷駁瑤華玉蕊兮向曉暘以秦蓋綠葉繁  
莖兮迎淑辰而挺蒨鮮麗兮羣娘之浮渲光燦兮子夫

之鬢髮色授魂與兮軟香可把目眩心縈兮經旬堪誇  
右四

歌

採芝歌

秦四皓先生

漠漠商山深谷遠迤燁燁紫芝可以療饑唐虞世遠吾

將安歸駟馬高蓋其憂甚大富貴之異人兮不如貧  
之肆志又曰昊天嗟嗟深谷逶迤樹木莫莫高山巍巍  
岩窟穴處以為帷裯燁燁紫芝可以療饑唐虞遠矣吾  
將安歸

鴻鵠歌

漢高祖

鴻鵠高飛一舉千里羽翼已成橫絕四海又可奈何雖  
有繒繳尚安所施

出關歌

唐魏徵

鄭國公

中原還逐鹿投筆事戎軒縱橫計不就慷慨志猶存仗

續脩商志

卷十一

五十一

策謁天子驅馬出關門請纓羈南越憑軾下東藩鬱鬱  
陟高岫出沒望平原古木吟寒鳥空山暗夜猿既傷  
聖目還驚九折魂豈不憚艱險深懷國士恩季布無二  
諾侯嬴重一言人生感意氣功名誰復論

幽澗泉歌

唐李白

翰林

拂彼白石彈吾素琴幽澗愀兮流泉深吾手鳴嶽高張  
清心寂歷似千古松聲應兮萬尋中見愁猿弔影而危  
處兮時秋水而長吟客有哀時失志而聽者泪淋浪以  
沾襟緝商綴羽潺湲成音吾但寫聲發情於妙指殊不

知此曲之古今幽澗泉鳴深林

山人勸酒歌

李白 再見

蒼蒼雲松落落綺皓春風爾來爲阿誰蝴蝶忽然滿芳  
草秀眉霜雪顏桃花骨青髓綠長美好稱是秦時避世  
人勸酒相歡不知老各守麋鹿志恥隨龍虎爭歛然性  
太子漢皇乃復驚顧謂戚夫人彼翁羽翼成歸來商山  
下泛若雲無情舉觴酌巢許洗耳何獨清浩歌望嵩嶽  
意氣還相傾

四皓歌

王九思 時代無考

續脩商志

卷十下

五十二

征夫血染長城地諸生魂落咸陽市博浪沙中客漫  
商顏山下人爭辟沐猴授首烏江底汗馬論功未央  
上皇生兒伯仲多戚姬有子真如意島足搖搖誰與扶  
吃口期期亦是愚赤松黃石有仙訣具書奉幣奔山隅  
冥鴻徒侶雲間落野雞子母空中躍漢庭羅網竟何爲  
山中芝艸仍堪嚼芝艸幾莖幾經春商山此日無此人  
楸枰散亂隨流水松桂蕭條空白雲高車駟馬憂方大  
龍湫虎穴人爭坐立志不從東海遊甘心來受西山餓  
千古閒情咲我癡四翁不見使人思聊對遺容歌一曲

楚聞風雨下長陂

四皓歌

王英 時代無考

吾聞南山四老人乃是秦世之逸民一朝遁入山中去  
何事終身甘隱淪是時秦皇御寰宇法令煩苛暴如虜  
儒生既坑六籍焚黔首悲愁盈道路渭川東遠咸陽城  
流心猶如帶哭聲偉哉四老乃何似有如鴻鵠凌青冥  
長松落落瑤草綠亂石蒼蒼滿幽谷采芝一曲淚翛然  
不啻人間榮與辱漢家書幣遠相招忽覩衣冠來入朝  
皇儲既定山中去巢許安能事帝堯丈夫全身保名德

續脩商志

卷十下

五十三

四老清風那可得極目西望意無窮南山雲外千峯碧

四皓圍棋歌

王越 時代無考

夏黃公是崔少通東園公是唐宣明崔氏譜及陳留志  
二書各載其姓名角里先生綺里季史傳寥寥無姓字  
當時同隱入商山今日披圖相高致山中事事皆可嬉  
何獨愛此松下棋所以愛棋有深意世間借客安能知  
秦吞六國大局面樺闔縱橫凡幾變誤中驚飛博浪沙  
棄灰偶語相攻戰到頭贏得鮑魚腥三百六十奇正兵  
十九路迷空拈鹿沐猴安及隆準清白為漢兮墨為楚



兩世英雄氣如虎別墅區區奚足賭爭先要全  
垓下重圍柰若何運籌敵作楚人歌技窮方悔鴻門玦  
泣號虞姬已爛柯陰陵只在東南角僅與烏江同一握  
敵手原非呂馬通艤舟亭長收殘茗采路休憐落子遲  
從容還解漢儲危眼前幾許消閒地有盡興亡千古悲  
太息從來真隱少終南佳氣虛名好商巖回首白雲深  
春雨秋風紫芝老

四皓祠擬古樂府

明隆嗣李嘉陽隱長

續脩商志

卷十下

五十四

漢為若楚舞舞在為若楚歌黃鶴歸巢成將奈何黃鶴一衆  
四海有主豈有因海羅君無四海之羅安用此殃君  
美人毒君子

詩

五言古

贈羊長史使秦經商山

晉處士陶潛五柳先生

愚生三季後慨然念黃虞得知千載外正賴昔人書  
聖聖餘蹟事事在中都豈忘游心目幽澗不可踰九域  
甫已一遊將理舟與聞君會處道真清不獲俱路若經

南山安少詩斷多謝前與內精與外何如紫雲

採深谷久應蕪駟馬無賈患貧賤有交娛清謹結心曲  
人乘運見踈擁懷累代下言盡意不舒

贈商州崔公

唐張說 燕國公

我聞西漢日四老南山幽長歌紫芝秀高臥白雲浮朝  
野光應絕榛蕪年貌秋一朝驅四馬連轡入龍樓昔道  
高皇去今從太子遊行藏惟聖節福禍在人謀卒能匡  
憲帝豈不賴留侯事隨年代遠名與圖書留平生欽厚  
德慷慨景前脩蚌蛤何陰兔蛟龍  
無嗟異飛伏  
同氣辛相求

續脩商志

卷十下

五十五

秦嶺貽友人

唐岑參 刺史

昨夜雲際宿旦從西風田不見林下僧微雨潭上來諸  
峰皆晴翠秦嶺獨不開石鼓有時鳴秦王安在哉東南  
雲開處穴元獼猴臺岍口懸瀑流半空白皚皚噴壁四  
時雨傍村終日霾北瞻長安道日夕起塵埃若訪張仲  
蔚衙門滿草萊

泛仙娥溪

唐李白 翰林

裴公有仙標拔俗數千丈澹蕩滄州雲飄飄紫芝想剖  
竹商洛間政成心已閑蕭條出世表冥寂閉玄關我來

屬芳節解榻時相閱寒帷對雲峰楊袂指風雪暫出東  
城邊遂遊西岩前橫天聳翠壁噴壑鳴紅泉尋幽殊未  
歇愛此春光發溪傍饒名花石上有好月命駕歸去來  
露華上碧苔淹留惜將晚復聽青猿哀青猿斷人腸遊  
子思故鄉明發首東路此歡焉可忘

東巖秋夜獨坐

李白 再見

小隱慕安石遠遊學子平天書訪江海雲卧起咸京入  
侍瑤池晏出陪玉輦行誇胡新賦作諫獵短書成但奉  
紫霄顧非邀青史名莊周空說劍墨翟耻論兵拙薄遠  
踪絕歸閑事耦耕顧無蒼生望空愛紫芝榮寥落暝霞  
色微茫舊壑清秋山綠蘿月今夕爲誰明

九日龜山登高

李白 三見

淵明歸去來不與世相逐爲無杯中物遂偶本州牧因  
招白衣人笑酌黃花菊我來不得意虛過重陽時題興  
何俊逸遂結城南期築土按台山俯臨遠水湄胡人叫  
玉笛越女彈霜絲自作萊王冑斯樂不可窺赤鯉湧琴  
高白龜道水夷霧仙如彷彿賈辭遙相知古來登高人  
今復幾人在滄州蓬館詔明日猶可待連山似驚波合

杳出溟海揚袂揮四座酩酊安所知齊歌送清揚起舞  
亂參差賓隨落葉散帽逐秋風吹別後登此臺願言長  
相思

又

李白 四見

今日雲景好水綠秋山明  
攜壺酌流霞寒菊泛寒榮  
地遠松石古風揚絃管清  
窺觴照歡顏獨笑還自傾  
落帽醉山月空歌懷友生

商山謁盧使君

唐賈島 進士

一身遙千山遠作行路人未遂東吳歸  
誓出西京塵仲

續脩商志

卷十下

五十七

宣荊州客今予竟陵賓往蹟雖不同  
托意皆有因商嶺莓苔滑石坂  
上下頻江漢沙泥潔水日光景新  
獨泪起殘夜孤吟望初晨驅馳竟何  
事章句依深仁

商山孤松

唐柳宗元 刺史

孤松挺翠蓋托根臨廣路不以險自防  
遂爲明所靈幸逢人惠意重此落籬  
護猶有半心存時將承雨露

過仙娥驛

唐白居易

我爲東南行始登商山道商山無數峰  
最愛仙娥好參差樹若挿匝匝雲如抱  
渴望寒玉泉香聞紫芝草青

屏削金白石妝鋪縞向無如此物安足留四皓感彼私  
自問歸山何不早可能塵土中還隨衆人老

辨熊耳山

宋邵雍 洛陽隱士謚  
康節

昔禹別九州導洛自熊耳熊耳自有兩未知孰為是東  
者近成周西者隔丹水書傳稱上洛斯言得之矣

四皓祠

明羅倫 狀元

天地有此山真到此翁好皓首驚龍顏險語正穹昊後  
車載飛熊何如渭濱老俛首几羸秦朝夕屢榮槁白雲  
照空山霞外蹟如掃至今山下芝翳翳多秋草

續脩商志

卷十下

五十八

四皓墓

無名氏

白髮四老人昂藏南山側偃寒松雲間冥翳不可識雲  
窓拂青靄石壁橫翠色龍帟方戰爭於鳥自休息秦人  
失金鏡漢祖昇紫極陰虹濁太陽前星遂淪匿一行佐  
明聖倏起生羽翼功成身不居舒卷在霄臆窅冥谷元  
化茫昧信難測飛聲塞天衢萬古仰遺蹟

四皓祠

明龍門薛瑄 閣老

靄靄商山雲招之正徘徊冥鴻一以縱畢戈胡為哉寧  
知虜豕壯踣躄多妻倩沉沉避穀子為謀一何乖向非

平勃力炎靈遂如灰獨有周南篇歌之有好懷

商山道中

明姜士昌 督學道

再為商山行始覺商山好解綬遵歸塗策騎忘遠迨  
明日夜移商風度清昊丹萸既映蔚青林亦窈窕  
遠岫生夕陰層岷激秋潦臨歧友生別一為縈懷  
抱空山自荒途飛流何浩浩高咏黃鵠歌懷哉漢庭  
皓題書謝明主歸將拾瑤草

商洛畧中紀異二章

明蘇濬 晉江人 撫治道

史皇鑿混沌玄黃剖春秋仰陟玄扈岡俯盼洛水流  
龍續脩商志 卷十下 五十九

文二十八零落寄商丘風雲時呵護山鬼夜啾啾  
三皇事已非神物不復留昔為荆陽鼎今為壑中舟  
不惜知音鮮但傷鳥語幽

其二

遊戲商與洛宦情付山水凝碧倚瑤華芳菲從此始  
清風長綠苔蒼龍亦來止河洛有遺靈圖書誰云已  
遭若神龜蹲峭岩層巒起史皇安在哉精光猶復爾

大悲閣

明任慶雲 郡人 知州

盤曲麻澗路望整開紫箬瑤與有巖藏宛見儼巧迹  
薄

遊家山通轉劇宜搜癖晴春欣獨往遂闖靈仙宅岩扉  
出窮跨洞壑杳千尺巉絕天所臨鬼力相擘劃青霄臨  
闌檻古雨昏霰積虹光錯五色迥帶晨暉白十里曲溪  
深萬嵌敞虛碧何年紫雲崩方解亂瑤席維時桃李榮  
爛映岩前栢水涉蕪山躋頗覺閑情適夙懷中賞趣悵  
此春遊迹因思聽鳴淙臥漱松下石儻逢騎羊翁招遊  
煉金液歸踪在烟蘿了與塵世隔

之官商洛宿吉公峪寨

清中鄉許宸

撫治道

伊余性曠昏位置合丘壑何來綰半綸十載一官縛蘭

續脩商志

卷十下

六十

省愧追陪敢云執事恪尸曠方飲冰俄畀秦闕鑰綬短  
汲憂深中心憂如灼龜勉就征途衝炎色屢煇惟茲商  
南城其大可斗若熙時偶經過彌望一蕭索喪亂胡大  
顛舉目益堪愕日落不逢人茂草肥狐貉憑軼爲咨詢  
淚逐殘黎落誓首靖萑苻先使安耕鑿子子數瘡痍詐  
忍蝨螟嚼害馬洵當除樹蘭憂宜廓聖明急何事而不  
念民瘼一榻懸危巔飲啄增顏忤攬衣起徬徨山靈共  
要約

商於寇平之後地僻而閒疊石種花漸添幽致願

後植詢索荒區用力甚艱爰書無句于壁間願後  
我者勿以爲迂也而易之且摧之也許宸  
再見

少陵棲息地必種數竿竹此與道何關畏以俗相目自  
我至商山寇氛正慘贖枯血効密籌指顧鯨鯢戮田里  
安乘麻而載稱大熟署雖荒卻閒朝昏宰吏牘支願者  
青山領畧在幽獨因之動所思取適借花木種松三五  
株已覺龍鱗互齧後手植梅人疑逋仙屋亂石偶然堆  
骨態各能淑茗不求陽羨酒不須醴醪得趣在隨時忘  
言歎倦讀興至事手談粲局亦嫩覆意足諸累空神安  
續脩南志

卷十下

五十一

萬境穠人所攢省區我偏愛清福翻恐遂量移甚眷此  
林麓榻管告後賢護惜鑒茲囑

商州古名區也志稱自玄王肇封而後代爲重地  
余驅車至止見其山川之雄壯道路之險阻爲之  
追勝蹟于既往甚全勝于將來率賦三章

清江南狄敬

潼關道

神州古重地至止生感慨勝蹟雖已踈覽圖識梗概倉  
帝渺難遡玄王有遺愛九商不可問七於名仍在莫以  
衛鞅鄙名都雄畿內蔚然山川奇靈氣當百倍丹乳千



流繞萬峰擁肩背右揖種藥嶺左顧仰地脉中有採芝  
人高風興千載

其二

商於足富強形勢居上遊星分井柳次地界雍梁州武  
關扼楚咽喉實當秦漢河洛阻北渡襄漢限南浮况復  
多寶地金銀爲山丘下者亦鉛鐵可資冶鑄謀奈何衰  
季代上奪而下偷遂令自然利翻作比邦憂大哉仁王  
治不貪遂不水至今光華氣夜發連斗牛

其三

續脩商志

卷十下

六十二

吁嗟前代季大厄值陽九赤着數十萬險阻失其守腥  
血如泉流骨肉恣馬蹂雖復殺運終所悲喪亂後空山  
啼餓猿中夜泣鬼婦誰將貽之安曰余有慈母亾者予  
以家壯者授以龜生聚實維艱教訓乃可又安得一心  
人此意常不負

特州守關左王君靖字悉心撫字民多  
樂業故篇終及之

七言古

五首

知亭山

卽商山

無名氏

知亭之山何岫嶠知名與山同不休蒼苔白石春寥泲  
紫芝九莖含春柔爲問當年避世老封侯何如餐芝好

朝采暮炊味久甘日月都將嘯傲了世上不辨鹿馬形  
詩書在爐儒在坑習魚鬼壁橫生禡龍爭豕突方分美  
知幾早命南山駕萬疊烟霞塵世謝靈鳳能辭凡鳥羅  
冥鴻不作獵犬炙擷蘭作紉製荷裳石床草劍碧松觴  
一觴一詠真僊蹇願全天和生能長緬想碩人撫遺蹟  
一片雲蘿埋故宅尚有飛散摩丹霄雷警塵中頑鈍客

四皓祠

宋邵雍 再見

強秦失御血橫流天下求君君不有正是英雄較逐時  
未知鹿入何人手潮上真人既已翔四人相顧都無語

續脩廟志

卷十一

七十三

徐云天命自有歸不若追蹤巢與許

黃砂嶺

明巴陵楊純 商州守

單車直上黃砂嶺石磴穿雲秋氣冷俯看紅河山不流  
渺如一帶環青屏六鰲頭上看鴻濛頃覺胸襟披萬頃  
長嘯一聲林谷應此身疑在蓬萊境

俘何行

清許宸 三見

盡道商山行路難潛伏吞聲棲鳥咽濃煙晝晦燐夕騰  
征馬躑躅悲鳴切爲訊棹栗之根因共指楔偷此窟穴  
山深群盜殆如毛惟有何孽稱毒譎賦性從來鴉鏡同

克稟總與大理絕飾言改革物候殊蟻聚箐谷恣杆揭  
八年秦豫在穰苑原野厭肉川流血子遺言及即瞻寒  
顛聞自之但腸裂兩省置財兼喪師諸道會軍徒踈躡  
我來原爲真殘疆安能畧刻聽蹂躪鳥道旣云鞠旅轄  
團練又愁驅市陘爰行何法擬古人以賊攻賊用機別  
忽操忽縱使自圖淡旬已報渠魁繼繫頸堂前稽厥顛  
滿城懼呼大讐雪 聖明御世八風清况復建牙多豪  
哲人心不二鬼神從未煩甲兵吾何拙

壬辰清明前一日署篆李廣文鳴霄治具西郊謁

續脩商志

卷十下

六十四

四皓廢廟時仙娥溪畔桃花盛開因集飲其下同  
牛子澄李白生孔仲常李東木四茂才賦得桃花

莊行

清許宸 四見

戈鋌騷屑寇從橫半載一官少勝情每憶坡仙幽意屬  
佳時重九與清明瘡痍未起神方悒按剔古蹟安能及  
竭末譚笑淨梳槍風日清羨春正翁有客折簡言招尋  
訂暮瞻禮四皓岑屏騎攜囊聊出郭閒雲定水空人心  
道旁纍纍排高塚古廟成墟蔓艸擁捫碑濃蘚雜苔斑  
遺像欹斜卧荒穰感此惆悵不能前芝軒已冷鼎無烟

人生萬事過眼失卽時杯酒妙理全不見五里之桃花  
昨日灼灼今泥沙銜杯論文饒樂趣底事丹江有釣槎  
夕陽返照搖黛柳歸來桃花矜滿手累盡隨處有丘園  
何必真到武陵源

靈瓜詩

有引

清許宸

五見

啓秀閣落成後卽有玫瑰串土重藥之異越孟  
秋瑞瓜復生同蒂雙實珠聯璧合無以喻其勝  
也攷明洪武五年西瓜駢實于句容張觀之家  
當事匪獻于朝因薦之太廟史臣宋濂著有嘉  
瓜頌今事全同此而此更產于文明之地其爲  
休徵無疑但愧謏劣不能揚厲萬一耶經在傳  
以爲左券

續脩商志

卷十下

六十五

萬山翠撲新祠裏堅易招提良有以倉帝玄王古奧區  
青燐白骨今兵燹詩書狼藉權茅茨珮瑟魚喁嗟疾病  
魯國諸生甘蠟藏商顏弟子誰臯比悠悠十載辭雞窻  
黯黯千家抱壘恥匝地烽煙驅我車權心縫掖失君砥  
竭來共道鵠翔稀歷代總因梵剎累輿論屏除旣已同  
釋宮寒滅何妨毀經營不悻嘔其心軒戶俄然符所

一水橫抱帶玉虹羣  
石插漢鐘青几文峰  
屹立可中庭  
松翠陰森被兩廂  
閑客到茲不忍旋  
神明坐對寧無意  
自然和氣聚嘉祥  
况復形家籌勝址  
長夏玫瑰表異顏  
滿城童叟驚重蕊  
秋分又報瑞瓜生  
嘉事紛紛昭帝祉  
同蒂單簾雙實懸  
聯珪合璧一棚綺  
讀書雖每多聞竒  
畜眼何曾見有此  
天寶國禎入望隆  
唐編漢檢按圖紀  
載觀明史嘉瓜篇  
應券駢元叶異庠  
九萬鵬雲何足言  
公孤品軸慶方始  
漫耽厭勝屬人謀  
須競焚膏驗物理  
才盡江淹申贊難  
濡毫徒爾躍無已

續脩商志

卷十下

六十六

五言律

四十一首

石壤林亭

唐張九齡

宰相

穿竹非求麗  
幽閑欲寄情  
偶懷因壤石  
真意在蓬瀛  
塔益山文古  
池添竹氣清  
芝翁果瀟散  
無事亦無營

四皓祠

唐李頌

東西南北人  
高跡自相親  
天下已歸漢  
山中尚辟秦  
龍樓曾作客  
鶴氅不爲臣  
獨有千年後  
菁菁廟木春

謁老君廟

唐李白

五見

先君懷聖德  
靈廟肅神心  
草舍人踪斷  
塵濃鳥跡深  
溪

沙丹竈滅關路紫烟沉獨傷千載後空餘松柏林

南唐王處士隱居

唐許渾

近逢商洛客知爾住南塘艸閣下春水柴門掩夕陽  
尋蜂散野蜜隨麝拾生香更憶前年別松花滿石床

商於驛與于韞玉話別

唐羅隱

多病仍踈拙惟君與我同帝鄉年與老江徼業俱空  
燕冷辭華屋蛩涼恨曉蓊白雲高幾許全屬紫芝翁

商山早行

唐溫庭筠

晨起動征鐸客行悲故鄉鷄聲茅店月人墳坂橋霜

續脩商志

卷十下

二十七

葉落山路積花明驛牆因思杜陵夢竟雁滿迴塘

贈劉續隱士

唐溫庭筠

茅堂對薇蕨爐煖一裘輕醉後楚山夢覺來春鳥聲  
采茶溪樹潔蒼苔石泉清不問人間事忘却在迴塘

旅次商山

唐賈島 再見

役役依山水何曾似問津斷崖如避馬芳樹欲留人  
日夕猿鳥伴古今京洛塵一枝甘已失孤負故園春

旅次商山

唐張喬

春去計秋期長安在夢思多逢山好處少值客行時雲

起爭峰勢花交隱澗枝停驟一惆悵應祇頓袂知

商山道中

唐崔塗

一日又將盡一年看卽殘病知新事少老別故人難山  
盡路猶險雨餘春却寒那堪更迴首烽火是長安

過秦嶺

唐李嘉祐

南登秦嶺頭四望始堪愁漢關青門遠高山藍水流三  
湘遷客去九陌故人遊從此辭鄉淚雙垂不復收

韓昌黎祠

唐龍

縹緲雲爲徑嶙峋石結祠丹心懸日月香道祀旌麾風

續脩商志

卷一下

六十

雪藍關阻波濤瘴瘴送山深秋夢奠先已揖光儀

文公祠

明山東何景明大參

捫蘿登峻嶺級石上荒祠雪阻南遷路雲停北望時文

衰空有作道喪已前知千載經行地商山獨爾思

新開嶺

明蕭廷傑撫治道

阻雨新開嶺低頭就收盧山高風獨惡秋滂水成渠  
幾思何暇荒涼忍爲書武關河正發欲渡且躊躇

湘子洞

明晉人李廷康道

道士已仙去空餘石洞開白雲封古樹綠蘚遍荒苔鶴

舞當年月泉鳴此日雷山深不可住風雨晚相催

望四皓廟

蘇濬 再見

古廟深深處蒼枝傲歲寒世非秦甲子容似漢衣冠黃  
鵠誰忘紫芝信可餐至今峰頂上歌吹出層巒

登曠如臺兼望四皓廟

蘇濬 三見

久客悲雙鬢憑虛且自寬幽棲多鳥語蒼翠鬱龍蟠雲  
淨十峰出亭空一水寒重來應不厭偏恨見時難

次武關

明潘達

深山何所適蕨嫩麥初肥世事消長道馬蹄伴落暉屏

續脩商志

卷十下

六十九

關霄漢閣沙透荔蘿衣極目秦川外無鱗信自稀

文公廟

明王邦瑞

秦嶺荒祠在潮州去路長人間空有佛天下已無唐直  
諫應難合斯文景不忘瞻依懷北斗千古一輝光

後樂亭二首

明閩中吳顯

撫治道

萬里西遊日庭除幾易賞親朋多契濶湖海自飄零爲  
客憐多病逢人嘆獨醒風塵思往事無語倚孤亭

其二

地僻無塵缺深幽獨此亭高松晴落翠疎竹迥浮青守



拙安鳩性清齋鍊鶴形自憐心似水莫問跡如萍

過牧護關

吳顯 再見

客行逢歲暮寒日易黃昏馬憊時防石山荒不見村亂  
烟封古壑積雪壓關門畫角聲嘹唳吹殘謫宦魂

過武關

吳顯 三見

武關何處是荒堞倚山腰出谷看秦甸陳兵憶漢朝英  
雄先得鹿將相故吹簫龍虎當年會千秋總寂寥

龜山登高

吳顯 四見

城頭開霽色城外有秋光晚節晉霜華高朋洗玉觴天

續脩商志

卷十下

六十

清峰數迥烟合樹容長莫咲登臨數人生貴祿芳

又

吳顯 五見

寒花抱芬郁一一逸樽妍窈窕橋南路開明雨後天潭

清清鬱思山峭况喬年學傲非初意臨高憶昔賢

銅佛龕

任慶雲 再見

深山有巖谷絕勝舊知名巖壑空真疑墮空明鑿不成衝  
林音滴下當戶碧雲生身世諸天外蕭蕭鐘磬聲

寄四弟問商山之勝

清河湯薛所蘊 宗伯 學士

商山曾幾上勝孰比中嵩是否龐翁老還如紫芝翁松

嵯太始雪石竇古皇風便欲凌危巘高空駕晚虹

四弟守商自矢一錢詩以堅之 薛所蘊 再見

聞說山城内秋風但颯然解空空鶴舞庭寒鮮魚懸白  
月青松入綠蘿碧澗穿雲霞看足飽况有古芝田

送許菊溪備兵商洛 薛所蘊 三見

目送雙旌去臨岐倍愴顏長安無密友落日下商山公  
雁遙連帟城門壞不關歎憐稀吏事高味紫芝閒

其二

知子抱幽意之官不厭貧舉簾高瀑入行部眾山春曠

續脩商志

卷十下

七十一

土遺黎耨遙林帟豹馴翻嫌綺季輩徒隱未關民

過花園富水二關

清許宸 六見

蠶叢何處見疑是此雙關豺虎時時過荆蓁步步剛馬

蹄銷野漲人面觸荒山仰愧雲邊鳥倦飛早已還

啓秀閣野眺二首

用蘇紫溪韵 許宸 七見

心以端居靜目從曠望寬烟嵐牽客夢風雨起泥蟠苔  
繡脚荒鮮花顏忍薄寒一番營構意曾否信其難

其二

地勝人同快心空官忘寒尚然牛馬走向日稭皮剋野

衲謔爲侶明霞我欲食抽簪難愜意不敢望芝巖

郭外口占

清東魯何遷 判官

入夏郊原麗麥華正喜晴風高銀浪湧地坦翠祠平野  
艷香隨路山流湛透城片時林麓裏已自覺身輕

商山懷古

清白河柴懋權 校貢

不少牢騷興商原獨采苓依秦四老物色漢三靈拜  
石粘身綠捫碑印手青興亡無限淚山月一窻櫺

大悲巖

清郡人孔吉人 卷八

杳杳龍深處西巖勝概賒石耽蹲虎豹水細畫龍蛇

續脩雨志

卷十下

七二二

樹參天合幽篁覆地斜平生多逸興高臥卽爲家

飲水月洞

孔吉人

寒冥空山裏蒼茫一洞開欹斜因造物結構起樓台水

淺連沙出松青待鶴來忘機借盛侶興醉羲皇杯

晚宿秦嶺砦

清郡人李曰棟 庠廩

山砦高何極憑虛坐多暉松濤天際落明月澗中飛客  
路經年別鄉書故園遠悵然東注目不覺淚沾衣

春日集飲啓秀閣

清郡人田鍾璽 庠生

同人集秀閣清興動林顏雨過苔痕壯風微竹影閒

詩聞霽鳥把酒看春山縱步徘徊處深花徑幾灣

亂後壁間

雖不知名存之  
可當殘苦實錄

無名氏

誰道經兵火儒貧不可當書殘篲作櫃衣散籠為箱砌  
石几偏古烝花飯有香宿來拂地臥明月送燈光

啓秀閣

清郡人王炳翰

大學  
生

帶閣連雲起馬高御遠空萬山襟疊翠一水帶長虹筆  
陣當軒峙文泉向澗通千秋靈傑氣苟辱此何窮

七言律五十二首

東溪幽居

唐李白 六見

續脩商志

卷十下

七三

杜陵賢人清且廉東溪卜築歲將淹宅近青山同謝眺  
門垂碧柳似陶潛好鳥迎春歌後院飛花送酒舞前簷  
客到但知留一醉盤中祇有水晶鹽

南塘王處士隱居

唐許渾

花深橋轉水潺潺舟里先生自閉關看竹已知行處好  
望雲空得暫時閒誰言有策堪經世自是無錢可買山  
一局殘棋千點雨綠萍池上暮方還

南塘王處士山莊

唐溫庭筠

白鳥梳翎立岬莎落花菱刺泛微波煙光似帶侵垂柳

露點如珠落卷荷楚水曉涼催客早杜陵秋思傍蟬多  
劉公不信歸心切聽取江樓一曲歌

商山道中

唐杜牧

虬盤千仞劇羊腸天府由來百二強四皓有芝輕漢祖  
張儀無地與懷王雲連帳影蘿蔭合枕繞泉聲客夢涼  
深處曾容高尚者水田三頃百株桑

秦嶺示姪孫湘

唐韓愈 侍郎

一封朝奏九重天夕貶潮陽路八千本為聖明除蔽政  
肯將衰朽惜殘年雲橫秦嶺家何在雪擁藍關馬不前

續脩商志

卷十下

七十四

知汝遠來應有意好收吾骨瘴江邊

層峰驛過亡女墓留題驛梁

韓愈 再見

數椽藤束朱皮棺草殯荒山白骨寒驚恐人心身已病  
扶舄沿路衆知難繞墳不暇號三匝設祭惟聞飯一盤  
致汝無辜由我罪百年慙愧淚闌干

留別商州王使君

唐張司業 失名

銜命南來會召棠却思朝裏接班行才惟猶是山城守  
道薄初為水部郎選勝相留開客館尋幽更別到僧房  
明朝從此辭君去獨向商關去路長

與商守雪霽登樓翫月

宋邵雍 三見

雪滿羣山霜滿庭寒光月碾一輪輕  
羈懷殊覺鄙時樂皓彩空多此夜明  
竹近簾櫳饒碎影風涵臺榭有餘情  
恨無好句酬佳景徒自淒涼夢不成

四皓祠

唐錡

雨中烟霧暗商山獨吊清風古廟間  
細草經春回碧色長松閱歲老蒼顏  
終安漢鼎名先正終避秦兵意自閒  
盡道留侯能辟穀不知有約與追攀

文公祠

明楊一清 督學道

續脩商志

卷十下

七十五

骨肉相逢與不孤朔風吹雪滿頭顱  
一封正氣青天在八代衰文赤手扶  
猶有篇章傳道路豈應香火托浮屠  
廟門下馬瞻依地却愧經行是坦途

文公祠

朱應登

謫宦初程此度關不堪風雪滿前山  
忠誠敢抗衰年疏感激愁看從子顏  
自分咸京成虎別誰知炎海復生還  
瑤琴一曲拘幽操千古論心向此間

昌黎祠

明蜀中李應和 撫治道

秦嶺崎嶇蜀道難烟雲重疊鎖峰巒  
高低風葉林梢客

紅白山花馬上看南入湖湘天不遠西連率嶽地徧  
昌黎當日潮陽去回首長安興渺漫

四皓墓

明楚中黃卷

撫治道

高塚纍纍古道旁四公血食尚同堂避秦本為坑焚禍  
定漢還須羽翼強雲去尚顏仙夢迥春歸洛上紫芝芳  
愧予啣命司茲土數雉榛蕪一瓣香

商於

明李延康

再見

商於六里亦雄哉有客當年誑楚懷徒木信成秦已去  
斬杆兵起漢先來亂山擬列旌旗影一水猶懸號令雷  
續脩商志

卷十下

七十六

聖代車書今一統關門鎖鑰寄非才

登龜山

李延康

三見

逶迤龜背俯清流春日登臨眺遠眸熊耳晴峰天外  
雞頭紫氣望中浮溪邊水抱孤村曉城上雲連古木凋  
此地從來多隱逸追尋遺跡杳難儔

登商山書院曠如臺

明莫城石玠

御史

城上歲莖樹色蒼城邊流水亦滄浪乾坤萬古台相對  
名利一生人自忙積雨乍催秋氣到野烟輕罩午陰長  
商山迥與恒山隔悵望孤雲意渺茫

次石公韻

明李遜學

提學副使

列戟排峰倒挿蒼  
隔林風送雨浪浪  
冰霜韻格誇官冷  
星火文移笑吏忙  
野望漫舒雙眼闊  
閒吟頻撚一鬢長  
舊時仙跡空翹首  
弱水蓬山思杳茫

文公祠

明池陽馬理

光祿卿

白馬駛來貝葉編  
斯文幾墜僅絲懸  
一封佛表軻書後  
永夜人醒旭日邊  
秦嶺雪增山斗望  
潮陽鰲聽鬼神靈  
不應白壁還蠅點  
誣說孫相度叔仙

謁文公祠二首

明吳顯

六見

續脩商志

卷十七

二十七

古祠雲濕草芊芊  
駐馬憐君謫宦年  
青史尚傳佛骨表  
赤心不愧諍臣篇  
潮陽萬里無邊鴈  
秦嶺千重起暮烟  
踪跡飄零何足嘆  
高名山斗至今懸

其二

南去初離玉笋班  
蕭蕭匹馬度前山  
封章未效回天力  
風雪偏淒逐客顏  
驅鰲有功清瘴海  
橫雲迴望阻秦關  
乾坤正氣無今古  
百代風流俎豆閒

謁倉史書院黃嶸李叅伯燕款

明陳棐

御史

當面山橫文筆秀  
松篩月影動寒雲  
空開乾阜層巒谷



池引蒙泉一派分試看蒼苔餘鳥跡更臨玄水見龜文  
薇垣席散人歸處古寺鐘聲杳靄聞

過武關

胡宿

津亭欲闕戒棠舟五兩風采不暫留西北浮雲連魏闕  
東南初日滿秦州層城渺渺人傷別芳草萋萋客倦遊  
平樂舊歡收不得更憑飛夢到瀛洲

四皓祠二首

陳棐 再見

西山祠下一停車疎木寒蕪落照斜千古聲名尚日月  
四人形跡共烟霞冥鴻已自逃秦網羽翼何圖入漢家  
莫道當時終不出能知去就豈堪誇

續脩商志

卷十下

七十八

其二

遺容鶴髮羽爲巾一貫椒漿采澗蘋籌策蕭曹當後駕  
卷舒巢許愧非倫老來縱墮晉侯計歸去終逃漢祖臣  
誰說清風今可繼眼前不見茹芝人

遊龜山

明趙載

垣曲人撫治道

龜峰南陔賈躋攀漫對秋光一解頰幾曲滄浪連楚水  
四圍青嶂接秦山烟迷草樹孤村落雲壓城闌古市闌  
却愧菱棠無善政欲憑田父問民艱

遊大雲寺

明胡文璧 副使

迂僻那堪與俗偕，聖明仍許落階圍。  
南自咲羣鷓鴣，投北猶勝食虎豺。  
行歷巉巖經險路，坐消炎暑仗高齋。  
上人款借談終夕，又得窮途一暢懷。

翠巘閣

明郡人王光濟 運使

寺頂嵐尖浩翠流，出林野閣碧山頭。  
高窻南引商巘秀，曲檻西臨衛苑遊。  
詩客秋風移蛺蝶，禪僧靜坐下獼猴。  
山前青竹知無數，早晚題詩紀勝遊。

樓山太素菴

王光濟 再見

續脩商志

卷十下

七十九

紫氣蒼蒼鎖嶺頭，昔人此地起仙樓。  
丹房石室空苔蘚，碧草瑤花入艾蒿。  
日煖廢池山鳥浴，林深幽谷老猿遊。  
羽車聞說歸玄圃，無限山光總不收。

文公祠

明隆慶會省吾 督學

蚤歲逢公旅夢間，謁來遺像對藍關。  
秋風勒馬情何極，朔雪驚鴻路正艱。  
抗疏已思焚佛骨，留詩那憶駐仙顏。  
斯文未喪還祠廟，百代誰應繼斗山。

太拙林亭餞南君，芳聲起復吏部主事

明郡人任經 知州

郭外芳園積翠中  
移樽共對竹溪風  
窻寒碧澗泉聲細  
夢破殘春草色籠  
彈劍遶陽光射斗  
褰帷梁苑氣飛虹  
杳然携別東林晚  
嘉樹清陰興轉濃

任大拙林亭

明郡人閻宇

進士

未賦長楊怯倚樓  
閒來聊覓小亭幽  
窻開麗日雲天迥  
簾捲微風竹樹稠  
樂道久堪顏巷陋  
題詩休羨杜陵優  
乾坤俯仰惟樽酒  
興到山陰王子猷

初夏飲大雲上寺

明郡人王三聘

隱士

叢林會飲最清幽  
與客醅醕羨浩謳  
幾度薰風初入夏  
續脩商志  
卷十下  
一番涼雨却如秋  
閒情頓覺今時暇  
素性慵將外物求  
昨夜韶華歸去也  
尋芳佳興未全收

飲靜觀園

在龍駒寨

明郡人周慶麟

舉人知縣

春暮遊人四月天  
百花滿徑開猶鮮  
幾聲夏鳥啼芳樹  
一陣南風入畫簾  
青山門外誰知道  
綠酒樽前我是仙  
明日欲歸不忍去  
東君許否結來緣

秋日登龍駒寨雞冠山

周慶麟

再見

平生出谷愛遷喬  
今日雞山豈憚勞  
路過斷橋還險峻  
人登絕頂自逍遙  
蒲袖黃花風颭颭  
一天碧水草蕭蕭

眼前世界劫灰盡洞口白雲且掛瓢

商山道中二章

明古越汪喬年

撫院

路入商原萬壑迴  
提鞍覽古思悠哉  
茹芝高士墳猶在  
徙木奸雄骨已灰  
計絕楚接遊士詐  
詩題秦嶺逐臣哀  
古今得喪俱陳迹  
惟有山花歲歲開

其二

昔年鷄犬聞相聞  
此日蕭條為寇氛  
瓦礫參差餘敗壁  
人煙慘淡黯愁雲  
連天荒草駒迷路  
駢戶深林虎喚羣  
安得攬槍全迅掃  
哀鴻重聚樂耕耘

續脩商志

卷十下

八十一

賦別商州二守何貞子擢寧鄉令

清白河柴懋權

拔貢

商原遮莫背虹霓  
遺我柔陰夢香迷  
文艷久流汧渭北  
聲華直動大行西  
孤稜鶴韻鳴花縣  
錯落鶯聲蕩柳堤  
說與條山春已到  
香雲酥雨遍耕犁

春日郊望

柴懋權

再見

荒原斷隴舊歌樓  
狐鼠欺眠帝子州  
霜雪填完亡國鬢  
霧烟幕盡望鄉眸  
詩醫疾苦貧醫俗  
酒閣乾忙淡閣愁  
眼底朝花今是否  
知無青歲向人留

一柱菴與友人賡和

明郡人周志德

石壁垂蘿半是苔  
行歌曳履漫徘徊  
藏踪路向溪橋轉  
倒影人從瀑布來  
一夜譚心總月曉  
兩人嘯傲野雲開  
別來也有高陽酒  
花下玉山只自頹

啓秀閣

清郡人牛維晃

教諭

崔魏高閣驚躋攀  
夕秀雲開圖畫間  
皎皎青緗流電炯  
光涵赤水送珠還  
牙籤卷拽松篁細  
彩筆鈎搖斗字班  
縹緲山城千氣象  
雕龍從古蔚商顏

過武關

牛維晃

再見

續脩商志

卷十下

八十二

重關天塞控神州  
此日蕭條盡客愁  
四面高山擁敗堞  
一溪寒水鑿荒洲  
長宵燐火孤炊月  
落日黃猿滿涕秋  
爲少一夫當險隘  
誰能十萬退貔貅

龍潭瀑布水

牛維晃

再見

空傳龍馬出龍潭  
瀑布經誰數字談  
渾是河源馮斗北  
恰如滄海倒天南  
踈星兩岼山千仞  
孤月三峽水一泓  
應與匡廬同勝槩  
春風長者好停驂

泮水垂楊

清郡人李本定

舉人

尼宮樽俎自芬芳  
古柳高懸泮水旁  
影墮空池深泛翠

色凌寒藻淡垂黃絲紛堪紀春秋序幹老能擎日月光  
欲染宮袍須借汁亭亭車蓋刺嘉祥

次柴磷石別後眷懷元韵

李本定

坎壈空悲蜀道難皇中風景幾凋殘月明湘浦衣為誰  
霜冷江臯佩是蘭清角吟成堪自和朱絃曲老向誰  
漫媯野外無蕪味采采蕨薇可滿盤

弔東陽禪師

師精醫道

李本定

古洞懸空石徑斜高僧曾掛紫袈裟蒲團坐定泥沾  
貝葉談深雨散花為制毒龍傳妙藥因醫病鶴頌靈  
續脩商志  
卷十一  
八三  
遙知示寂優曇香寶地千秋駐綵霞

懷壘華古刹

李本定

洞敞彌天咽晚風何年象教啓禪宮聽經怪石千山峙  
洗鉢寒江萬派通盤曲老松還攫霧峻嶒古塔未浮空  
誰將勝地邀雙屐雲水蒼茫覓遠公

看聚奎樓前絳桃花

清邵人李庚如

學生

一株竒艷映樓前不共羣花淺淡傳彷彿霜紅三月見  
依稀霞赤半城縣影團黎火雨中烈色重丹砂枝上鮮  
應是奎光流筆彩點成朱紫待鑣聯

奎樓秋月

李庚如

江天晚霽正逢秋金鏡高臨百尺樓壁彩觸空窺月窟  
蟾光抱檻認神州勢凌清感寒輝動明滿虛窻爽氣浮  
丹樓冰輪爭上下凭欄欲傍白鸞遊

伯牙山

詳山水志

李庚如

高士何年陟此岑蹠躔杖履一囊琴雲移曲徑思遊屐  
風動危巒仰素心姓字依稀餘斷碣宮商髣髴嫺空林  
千秋寂歷誰知己樵子徒傳絃上音

秋日登啓秀閣

孔吉人 三見

續脩商志

卷十下

八十四

峻閣秋風已自涼更逢落日颯衣裳階前敗葉輕輕合  
檻外殘花細細香綠水無心隨地曲青山不老帶雲長  
猶憐薄暮寒烟色歸傍詩人蒲石床

物色泉山

李曰棟

再見

耳得山名便自猜擘風躡霧訪滌洞幾泓感沸虛光起  
一窠澄淵靜影開層巘倒沉峰碧奔湍斜瀑浪皚皚  
千年棄置吾青眼投契荒陂去復來

泉上幽居次李青岩韻

李曰棟

晝長無事日垂簾睡起圖書信手拈讀罷吹鐺然茗甯

興來搦管探詩籤閒扶山影光侵座靜領雲香氣抹簷  
栩栩卧遊豪此日何須仗策駕青幘

秋日同李余田三社長登啓秀閣

清如環 大雲寺僧郡人

曲徑岩堯倚大巔秋光引上冷雲邊花間詞客臨溪坐  
竹裏山僧枕石眠遣興有詩結白社寬心無酒話青蓮  
誰來咲解黃金珮共對三台學浪仙

五言排律 八首

餞商山蘇公

唐張說 再見

續脩商志

卷十下

八十五

都邑群芳首商泉舊俗訛變風須豈弟成化佇絃歌疇  
昔挂璋友雍容文雅多振纓遊省闈鏘王宰京河別曲  
鸞初下行軒雉尚過百壺非餞意番詠在人和

商山懷古

唐張九齡

園綺值秦末嘉遯商山阿陳迹向千古荒途始一過碩  
人久淪謝喬木自森羅故事昔嘗覽遺風今豈訛泌泉  
空浩浩樵叟獨皤皤是處清輝滿從中幽異多常懷赤  
松意復憶紫芝歌避世辭軒冕逢時解薜蘿聖明今在  
運吾道竟如何



贈韋商州弼

唐沈佺期 詹事

會府應文昌商山鎮國陽聞君監郡史暫罷尚書郎王  
事嗟相失人情貴不忘累年同畫省四海接文昌點翰  
芳春色傳杯明月光故交從此去遙憶紫芝鄉

送李太守赴上洛

唐王維 尚書

商山包楚鄧積翠靄沉沉驛路飛泉灑關山落照深野  
花開古戍行客響空林板屋春多雨山城晝欲陰丹泉  
通瀟畧白羽抵荆岑若見西山爽應知綺季心

送商州李中丞

唐韓翃 中書

續脩商志

卷十下

八十六

五馬涓橋東連嘶背曉風當年紫髯將他日黑頭翁不  
異金吾寵兼齊玉帳雄開宮春雪下吹角暮山空香麝  
松陰裏寒猿黛色中郡齋多賞事好與故人同

秦嶺

唐錢起 郎中

屏翳忽騰氣浮陽慘無暉千峰掛飛雨百尺搖翠微雷  
電閃雲徑奔流翻石硯倚岩假松蓋臨水羨荷衣不得  
采苓去空思乘月歸且憐東臯上黍色侵荆扉

商於

唐李商隱

商於朝雨霽歸路有秋光背塢猿收果投巖麝退香蓬

筑真得勢橫戟豈能當割地張儀詐謀身綺季長清渠  
洲外月紅葉廟前霜今日看雲意依依入帝鄉

秋日啓秀閣集飲用王摩詰韵 清許宸 八見

山衙何所事積雨晝沉沉出郭逢初霽探幽興自深晴  
霞烝傑閣秋水淡平林此際登臨意他年桃李陰移樽  
驚宿羽帶月辨遙岑遣信應驅騎蒼涼物外心

五言絕句 二首

過武關 唐岑參

去亦一布衣來亦一布衣羞見關城吏還從舊路歸

續脩商志 卷十下 八十七

商山路有感 唐白居易

萬里路長在六年今始歸所經多舊館大半主人非

七言絕句 二十四首

商於 唐崔融

宮花一朵掌中開緩頰翻為敵國媒六里青山天下咲

張儀容易去還來

過武關 唐李涉

遠別秦城萬里遊亂山高下入商州關門不鎖寒溪水

一夜潺湲送客愁

咏史

李涉

楚國君臣草莽間  
吳王戈甲未東還  
包胥不動咸陽哭  
爭得秦兵出武關

四皓

唐許渾  
再見

辟秦安漢出藍關  
松桂花陰滿舊山  
自是無人有歸思  
白雲常在水潺潺

仙娥驛

唐人  
失名

谿上郵亭氣早秋  
樹邊溪色繞床流  
行人亦羨郵亭吏  
生向此中今白頭

續脩商志

卷十下

八十八

春日雜興

宋王禹偁  
副使

而洙紅杏映籬斜  
粧點商州副使家  
何事春風容不得  
和鶯吹折數枝花

商州九日感懷

王禹偁

節及登高忽嘆嗟  
經年憔悴別京華  
二車何處搖遙  
九日尊前見菊花

南秦早梅

宋邵雍  
四見

梅覆春溪水繞山  
梅花爛熳水潺湲  
南秦地煖花開早  
比至春初已數翻

題西岩寺三絕

清溪如鑑照行人  
谷鳥山花景漸新  
五馬頻來無別事  
為思江上若耶春

其二

幾願笙歌來賞勝  
為憐山水每忘歸  
洞中時與林僧話  
不信紅塵有是非

其三

仙娥峰下送行人  
山水清音益捨神  
莫惜少留題石面  
相看上馬即紅塵

續脩商志

卷十下

十九

四皓祠四絕

明金臺岳正  
闕老

祖龍長策不知圖  
空築山城遠避胡  
四老朝廷安一老  
當時誰得殺扶蘇

其二

惠統安危覆手間  
都將鶴髮動龍顏  
元功空佩通侯印  
不及芒鞋一下山

其三

誰知盛德格天難  
國本將危又復安  
試按楚歌評漢祖  
沛公元不溺儒冠

其四

釋漢逃秦知慮周誰知亦墮子房謀可憐他日安劉囑  
不及留侯及絳侯

西岩寺用石上韵

明隆慶蘇乾

撫治道

董嵐緩緩襲遊人雨後平郊草色新棠樹有陰無雀語  
不妨踏履數行春

高山道中卽事

劉琰

麥正茫茫豆正花竹籬踈處見人家白雲門外時來往  
午夢醒時一盃茶

昌黎祠

卷十下

九

昌黎祠

劉琰

夫子文章百世師當時封事為匡時如何秦嶺藍關雪  
應花間雨句詩

四皓廟

吳顯

七見

亂山深處是商顏石磴峻嶒鳥道間一自高人歸漢後  
白雲空擁紫芝間

過商山

吳顯

八見

雲霞偏老避秦人松澗逍遙自采真不為漢家勞杖屨  
高名何以並蒼旻

三月洛原阻雨

周夢麟

春雨連朝夜夢寒  
林園花色幾凋殘  
家山一水隔歸路  
對酒那堪燕子還

西郊看杏花歸著作

許宸 九見

小橋流水綠楊灣  
蜚翠浮嵐山外山  
勝地翻難成好句  
歸來魂繞赤霞間

商郡西郊外桃花盛開長五里許為一方勝絕  
東于官不能縱飲其下偶味少陵低頭媿野人  
殊為憤抑因成一絕

許宸 十見

脩商志

卷十下

茸茸草色綠如茵  
飛學春花媿野人  
漫說微勞終似水  
等閒先負一年春

心隱坐漫題

許宸 十一見

未到南山慕茹芝  
到來却是宦遊時  
隱心心隱都無著  
片片白雲攪夢思

四詩祠四首

清錢受祺

皤皤黃髮帶歸班  
杖履飄然恣往還  
欲訪高踪何處是  
白雲舒卷在青山

其二

餐芝絕整邈秦關長揖天門心自開漢網不能施羽  
蕭曹真覺愧蒼顏

其三

定鼎無如翼儲艱安危翻繫採芝鰥留侯縱畫圖天策  
終讓先生一度關

其四

避秦匪有煙霞僻安漢仍歸雲壑開出處一身千古重  
莫將笑穎笑商山

胭脂關二首

錢受祺

續脩商志

卷十下

九十一

胭脂水似廣陵潮秋雨飄流鬼夜號誰謂五丁能負鼎  
架梁百丈鎖山腰

其二

不辭風雪撲紅顏驅馬悠悠萬疊山遙望胭脂魂欲斷  
好將蕭葉渡巖關

贊四皓

清王廷伊

西河人商守

避亂遠離秦世網立功不縮漢王綸向來屈指行藏事  
羞殺呈身識面人

嘲四皓

王廷伊

嶺似霜華髮似銀採芝商嶺合終身一朝羽翼漢皇祚  
終是留侯門下人

過冷河

王廷伊

何年神岳濟清流  
玉鳴珂韵自悠  
洗耳欲將塵土去  
叩心終是愧巢由

商署即事

王廷伊

簡命重封計日催  
携琴伴鶴入秦來  
生平於物原無取  
消受商山水一杯

遊東龍山

王廷伊

續脩商志

卷十下

九十二

偶訪東龍勝層巒次第攀  
天垂雲作翠樹擁石為關  
遠水通襄漢遙岑擬華山  
漁樵隨意得真愧野人閒

丙戌仙娥溪看桃花

李曰棟 見前

頌年勝地屐痕空寂寞  
仙溪咽晚風誰意桃花多  
傲骨春來猶發舊時紅

補遺

贈劉孝子二尹琦

明郡人南鐘 太僕卿

商山劉孝子至性出天成  
少年由鄉學終夜對短檠  
既長入成均問學冠羣英  
拜官山之西處事秉鑑衡  
解組



樂林泉龍厚不能驚昔年為父病醫藥不能平焚香割  
股肉用烹一杯羹飲之如甘旨病去身復寧今年適母  
喪五內為之崩葬畢廬墓側克盡人子情晝有孤兔遊  
夜無帟狼行乃知行孝者而能感神明誰乘如椽筆一  
封奏帝京天子仁孝主姓名必見旌漢漢商山高千古  
晉芳聲伊誰可與並不愧子騫名

獨坐商山書院

明郡人田元易

序廩

危坐繙經處清溪萬慮孤  
巖連然杖閣池近化鯁於露  
鮮龍朝篆風松鬼在呼  
更深明月上想見古黃虞

續脩商志

卷十下

九十三

附對聯

儒學

明蕭廷傑

撫市道

丹水台山萬派千峰流峙久  
談不盡詞源道脉  
玄王倉帝五倫六體制作高  
振得起教旨文宗

道謝大門

明蜀人熊應占

撫市道

六百里商於之地每嗟雁肅  
鴻哀若非鸞鳳鳴岡則依  
人者將安適矣

萬千山蹊徑之區時屢狗偷  
鼠竊假復豺狼當道是教  
盜也又可禁乎

社學

熊應占

勝侶禁期把臂好脩蓮社業任劉潘社癖孔思周情光  
燄毫端擲地聲錮金石

蜚英羽造揚眉早看杏園春作臯弼夔諧伊咸傳濟經  
綸掌上補天事繪丹青

州衙儀門

明定興蔡應齊商守

福州在邦域之中四屬首開秦保障

太守為吏民之本六條踵美漢循良

啓聖祠

蔡應齊

續脩商志

卷十一

九十四

日月經天的自尼山開景曜

江河行地須從闕里問源頭

牧護關舖

蔡應齊

水近偏逢寒氣蚤山溪常見日光遲

張道台祠

明郡人程宇觀二尹

保障千秋懷晉水旬宣萬口頌商霖

道署大門

清許宸撫治道

受事于爨醎彌天之日勦撫兼施幸見千山無伏莽  
起民在呻吟動地之時恩威並用始聞五部有歸焉

啓秀閣大門

塔影排雲望里千秋聯雁字

栢容沉黛亭亭一柱映花磚

又

殿門

為聽鳥音常種樹

學海淪漣橫一水

欲延山色不局扉

文心載業俯千山

孔廟文昌閣

以上俱許道台

雙閣連雲百丈文光凌斗宿

萬山拱翠四圍物色絢虹霓

續脩商志

卷十下

九二五

州堂

又文公祠

清古晉王廷伊

商守

赤土浦前肯教車牽駱鼻

雪擁藍關一片冰心寒日月

青天在在何庸水注冰壺

雲橫秦嶺千秋浩氣塞乾坤

續曰考自鴻古來書契彛倫並權輿于商商之茂於

文固已而宦游僑寓者率多班馬李杜匹夫豈偶與

倉玄之靈山川之秀所招致者然也故紀治蹟者褒

美揚厲要使微猷肆映足以樹範來茲而咏歌景物

者包舉宏濶不啻春閨麗質含情無限至于款款元

公之世化憑弔屈子之忠魂又以一時之詩史備千

秋之實錄一片之石文鼓萬代之人心也寧僅搖弄  
彩筆逞冰火之繪乎既鮮六朝之靡麗亦無五季之  
怪誕嗚呼盛哉

續脩商志

卷十下

九十六

跋言

今上之四載乙巳歲余起內艱

補商州學正秋初抵任適

州守王父母奉

道憲錢宗師命重纂郡志刻工

將告竣博士員李自生李東

續脩商志

卷十下

九十七

木有事于茲役來謁余祈其  
稿讀之簡而該隱而章瞻而  
不靡樸而不俚

王父母誠良吏而不愧良史才  
也覽輿圖六百里形勝如在  
目中披建置使先王立國之

規模如覩閱官師食貨則治  
蹟之賢愚與民物之消長兩  
相關也選舉有盛衰典禮有  
興廢調劑者宜何術之施也  
可思而得已觀乎備防則知  
恃險者多敗欲知山川之孕

毓者厚幽異之搜索者備則  
又有人物與雜傳至於歷代  
之著作孰典孰麗繙藝文而  
瞭如矣王父母誠良吏而  
不愧良史才也嗟乎大亂之  
餘故牒灰飛黎憲凋謝能復

使三代以來之遺蹟不泯雖  
二三子傳訪之力乎非

錢宗師之督率 王父母之裁

定何能至是况數十季之後

二三老成一綫舊編轉瞬無

徵即有雅志茲舉孰從而考

求其源流耶茲志也紹往傳  
來厥功偉矣二李子遂不鄙  
余言次之以爲跋商州儒學  
學正褒谷馬啓聖題

